

重鐫草堂外集

重鐫草堂外集卷之六

漢陽驛樓藏板

天都吳並山原評本

漢南蝶會諸老重批

草堂衆弟子同叅訂

序

漢撫孫大中丞補山先生壽序

公作一代
以後語
已多補山
相國自滿
晉撫時年
六旬生日
屠榜若進
四六相國
以示贈

會昌運絡福凝賢哲之祥光紀揚躔道盛義軒之佐
風后力牧包璇宇以清塵張若詔朋翊日車而遙馭
於斯時也慶雲紉縵非烟輪囷八伯貢樂以賡歌三
朋凝禧於平格是以聖人申命正南交日永之時炎

固以四六更之公曰此則老當矣且曰吾與君至好獨不為我文乃進寶雅十畫片序公同書大寶借原本況失不可得

草堂外集

卷之六

序

十

服歌風值良月霜清之候蜀都賦岷山之精上為井

盼蠶而興作莊子黃帝將見大隗方明為御昌寓驂

乘張若諸朋前馬昆閭滑稽後車尚書大傳四嶽八

伯元祀代泰山貢陽伯之樂義伯之樂中祀大交霍

山貢夏伯之樂冬祀幽都宏山貢冬伯之樂和伯之樂

書堯典蔡傳南交南方交趾之地左傳使以十月人

月也恭惟中丞大人清時碩輔南國大儒劉湛英奇

早存宰物謝公四十尚住東山降肇庚寅精分昂宿

舉於兆徵辛巳符應甲科本驚對策之奇已在奏名

之選平津特超下籍范公不肯自陳造際時巡遂膺

辟召甘泉白鳳本為獻瑞文章曲江素縑已覩佐時

經緯佐助期蕭何感昂星雲南通志葉瑞醉眠於溝

大小至神告曰恐淹死辛巳進士後果應辛巳

比例得體

殿試也。漢書公孫宏封平津侯，太常奏宏第。鷽鷽鷽鷽。
居下天子擢為第一。唐書張九齡輕絲素縑。鷽鷽鷽鷽。
沼暉麗蓬山奉玉尺以程材，入銅梁而擢秀。鷽鷽鷽鷽。
書秘閣也。詩品暉麗萬有五代史趙光逢方直溫潤。
謂之王界尺。蜀都賦內負銅梁於若渠。時由中書。
典蜀仁人有勇儒者能兵馳馬檄以麾關隨樓船而。
試事。下。頰韓文公從征淮蔡不廢謳吟。杜工部獻說西南。
自饒碩畫卒成服心之策遂格千紀之頑回紇喜見。
大人而還賓羌盡伏天威不動迄今荒陬綏靖實由。
謨畫深長也。文選司馬相如論巴蜀父老檄唐韓愈。
接集中有奉和裴相公及駁向各詩。唐杜甫傳嚴武。
再鎮成都奏為節度叅謀檢校工部員外郎按集有。
東西兩川說。時爾乃郎位犀躡聯瑤光於北斗司。
隨公中堂征緬。

徒官屬掌文教於南荆。彌月挹湘水之香風。四年沛

黔山之化雨。舉劉蛻而荆荒乍破。謂省元招徐稭而

蠻俗胥移。徐翰林隨幕受業四年風轉九嶷。經柳儀曹之講畫。

教行三竹。受王新建之裁成。天文志五帝坐後聚十

北斗六曰開陽七曰瑤光三郎祠王。文成講學陽明洞。在今修文縣。入陟京

卿倅班廷尉。張釋之之守法。惟在公平。何比干之辨

冤。爰多隱德。參三槐而雪枉。巡八桂以維藩。舜岳堯

山。盡布唐虞之化。猶巢獐窟。俄移禮讓之風。一統志舜山在

桂林府城北五里上有舜祠。堯山在桂林府。適會垂

念西隅。慎選方伯。乃馳驂於幾部。遂駐節於滇池。招

金象之豪渠。遠人胥悅。綜銅鹽之庶政。積弊全蕪。蓋
 自銅壁烽銷。藤橋柝靜。甄籌邊之昔畫。叙巡徼之今
 猷。更晉中丞式司軍政。彰德威以敷布。本仁義以綏
 柔。十萬貔貅號君子。而激厲八百媳婦。隨兒女以歸
 徠。一統志藤橋有三一在隴川一在尾甸一在回石
 俱跨龍川江吳語以其私率君子六千人為中軍
一統志八百大甸土酋有妻八百各領一寨。蓋惟踐履明經。公忠體國。本
 聖賢之心事。對揚一人。肅師長之風儀。甄陶百爾。不
 矜不伐。望允洽於羣情。由溺由饑。懷更殷於天鑒。入
 則夔龍翊贊。出則方召來威。求之古人罕其倫比。夫
 惟大雅有此詠歌。則可謂文武吉甫萬邦為憲者矣。

此例得體

故勁

道堂外集

卷之六 奏序

三

某等誠殷叱馭才愧將明八郡提衡矢精忱而効職
 百蠻從治奉惠廸以嘉師開誠布公仰葛侯南征之
 勳烈先憂後樂識范公西帥之威名竊嘆儒者綏猷
 奉職方於周禮正人得位爲分野之歲星所居必受
 福凝庥因服斯揆文奮武爲翰精鍾於降嶽膏陰澤
 遍於屬城騁樂狼歌競効躋堂之祝爨文緬字爭譚
 慕德之情千載一時紀蹟於鐵關銅柱三台兩比揚
 暉於碧落丹霄漢志仲山甫將明之才季義山集君
 子立言永爲周禮正人得位常作歲
 星

雲南臬使江南汪公壽序

代楊昆明奎口汪圻
徽州人居吳以率連

案發新疆
死於道中

汪泉使培
植菁陰
人稱之
特揭出為
序

大人造士有成士得隸席下。與賓興又竊幸與嗣君
同歲舉附誼通家。子月某日辰在降寅。躋堂獻祝。奎
為長吏當先衆颺言。自惟依宇下久。凡惠我民蕃諸
大政人盡能言之。獨舉造士之福。與所以自福者
以風乃序之曰。楊奎字陟庭陽湖人時為昆明令獨頌之也
粵若岷精聚秀。星聯井絡之交。若木揚光。壤接壽華
之域。西南絕徼。清淑靈區。節建唐蒙。道通司馬。改靡
莫勞深之風俗。炫碧雞金馬之文章。開塞本自才人。
從風頗聞秀彥。至若襄壽考作人之盛。作邊隅文教

之倡養饍師儒盡食高齋之饌譽蒸髦士頻登天府
之書宜其錫極無私凝庥有自矣天荒北經洄野之
山上赤樹青葉
赤華名曰若木注生崑崙西附西極其華光惟公清
赤照下地天荒西經有壽麻之國正立無景惟公清
時偉望南國儒宗秀啟黃山胃分越國三都摩日新
安故多理學之家五水連天吳郡本是人文之藪以
刑弼教居官悉本慈仁惟極用中燮友胥因柔克庭
堅有命驗風動於遐荒義叔重申會星辰而照曜仰
大文於天上貫索齊開集景福於人間會昌期運往
犴長青蕪之草宮牆開桃李之花疏枉滯於黃沙發
奇光於紫玉於是重興五華書院招聚三迤人才瞻

以和資厚其膏火增脩號舍宏啟開閣都養之區井
匠之地庀治整潔黜堊鮮明望臬者星馳聞風者雲
集聶許瞻明之輦叩階砌而撫衣魁能冠倫之雄坐
堂皇而染翰教既成於五載詞足掃夫千軍四術宣
風聞大昕者胥歸轂內三年比士舉孝廉者不越環
中雖以文翁移蜀國之風揆天綯德常袞變漳南之
俗佩寶銜華方此不翅也海內東經浙江出三天子
都一曰天子鄣吳志太湖
五水所會一曰五湖漢畫倪寬受業孔安國貧無資
用常爲弟子都養注主給烹炊者也周禮爲其井匱
除其不蠲莊子洛誦之孫聞之瞻明瞻明聞之聶許
聶許聞之需役甘泉賦乃搜速索偶臯伊之徒冠倫
縣能漢循吏傳文翁爲蜀郡守仁愛好教化見蜀地
僻陋有蠻夷風欲誘進之由是大化蜀都賦幽思綯

地例鄉先
賢亦數赤
散精力不
期

有德摘藻拔天正開記唐常袞以宰相出為福建觀
察使閩人初未知學袞至興學校正風俗延名士歐
陽詹輩領袖諸生自
是人文與中興等
昔朱子提刑建節以集士講學

為先范公揭地開黌以溥惠均仁為美迨後浙東儒

學之盛冠於宋元姑蘓才俊之多隆於海甸紫陽道

風既廣文正裔緒尤昌然則鄉里之前範復見於今

門祚之純禧必餘於後二統志蘓州府學在府治南

建歷元至本朝相繼脩葺堂前有古檜仲淹手植汪公徽人居吳故引此公體聖賢之

心事不尚聲威厚文教之報施自求多福是以斗躔

郎位既藂聚夫星光瑞啟孫枝尤新霑夫雨潤長君

振羽集鳳沼於當年仲弟蜚英冠桂闈於此日乃知

登公亦奇
人少時思
療幾不起
遇異人起
之藥傳世
術為神效
十人病如
漆而色光
潤當言年
五六十或
以鳥不止
也

甘霖時雨既蘇荒服之藝林芝草琪花必繞階庭之寶樹其欣逢盛事適際揆辰但叙鄉言述先賢於蕚歛因揚名德覩後福於雲初

雲南守宣公晉山壽序

宣世壽字晉山和州人

今夫彩雲鎖見祥開五色之光虹嶽升華瑞擁千齡之秀蓮生滇海北太華以如船梅發龍潭號祁唐而踈幹攬雙塔五華之風月才子專城擁碧雞金馬之山川神仙福地是以五虬襄馭行春看不老之花二庇隨轡選勝載長生之酒雲南通志融山在郡城之北今名蛇山龍泉院有古梅二株虬蟠如龍人呼唐梅謂唐晉山公南都儒士時物金馬碧雞山在郡城之東南

江國名儒家本歷陽。據金陵之雄塞。官從滇徼表。
銅柱之威名。初分鶴料之清愛。佐蓮帷之盛氣。雄孫。
楚抗長揖於將軍。名盛孟嘉。標風流於參佐。因著王。
喬之舄屢鳴宓子之琴。陶柳潘花。遍植瘴烟之地。宋。
風謝月。重開茵露之天。惠政仁聲。洽俚柔以歸化。循。
名卓譽。度僚采以居前。劇無不治。階因屢晉。薦敷交。
至。遷授頻仍。東發隼旗。暫出滇黔之道。高憑熊軾。周。
巡沔漢之疆。汀芷洲蘭。被惠風而勃發。江鱗叢羽。照。
清月以安恬。漢女歸仁。自惜明珠之佩。騷人頌德。齊。
揮香草之章。壤本接於江南。風乃行於楚北。

隼旗熊軾
軾皆刺

史之車服時自滇南移知湖北而是時加恩遠甸仍
 之沔陽則香草明珠之佳地也假重臣素識蜀郡之文翁仍還交州之士燮於是拔
 轅拒轍襄漢莫能挽留飛幟褰襜濮蠻咸歡復至兒
 騎烏蒙之馬擁外相迎人插谿峒之刀披壇其謁阮
 步兵東平作守未及經旬張京兆三輔能官終治劇
 郡一統志士燮拜交趾太守天下喪亂不廢職貢封龍度亭侯興記烏蒙占為寶地今改昭通府漢張敞傳自請治劇郡又京兆爰移鄯闐式佐行臺總百
 典京師於三輔尤為劇三之山河胥歸大府會三千之珠玑共議雄邊陳立
 通權不煩師而靖亂錫光為政但行惠以綏頑恩既
 溥於荒黎福應綿於燕翼是以郎躔珠繞孫籀鱗據

昨者招集郡僚。同看樂舞。綵衣列坐。皆瑤環瑜珥之
姿。瑟僖能明。盡鳳質龍章之選。是知仁人錫福。必逢
爾後之昌。君子居官。自享無量之壽。漢晝夜郎王與
舉兵相攻。大將
軍鳳薦陳立為牂牁太守。誅興皆釋兵。降後漢任延
傳。漢中錫光為交趾太守。教導民夷。化聲侔於延領
南華風。始於二守焉。韓文。瑤環瑜珥。琅玕而為句。莫
珥蘭苗。其牙。韓詩。摘義。了瑟僖。
盡形容。傾滄洱。以流醕。惟知酣。賜箕疇。五福原鍾崧
嶽之神。漢室三公。竚召潁川之守。乃揮毫而製錦。先
衆唱以敷文。

為張樊川祭酒壽段芳楨茂才序

張裕華字樊川與雨亭姻

親為文以壽其兄也

秋後日折
清和宛轉
詞更極老

後漢楊倫
字仲理講
授大澤中
弟子千餘

吾鄉芳樹茂才宮牆經宿江國儒宗紹茂宰之休風
世傳清白承孝廉之遺則業炳丹青至於吐納風流
揆摛雲藻則淮西稱伐繼吏部而揮毫唐韓愈傳詔
碑李愬妻訴碑辭不實命西陽著書人武陵而搜秘
翰林學士段文昌重撰唐段成式文昌
子契酉陽雜俎家風固有然也然其經藝優餘遭逢
踦隻童子獻言於國遊校知名孫休屢饋於州踵門
見詫莊子有孫休者踵門而詫子扁慶而素高閒適
能賦幽居欲廣裁成惟勤教授於是從仲理者盈於
大澤侍孫期者滿於春原後漢孫期字仲或牧豕大
畔以冠冕過廬夷門咸尊于木門牆執策涿郡方選
追之

陳卷之六

漢畫韓嬰燕人傳韓詩而孝宣時韓生其後也以易微爲博士時同邑韓宗孝爲段芳樹門人

名譽清芬。道風高峻。殆所謂國爵屏貴。家人

軒而接流水開傑構而切仙雲鄭莊則聲動公卿陳

遵則坐驚賓客遂憂達樂兩戴各隨所安世說謝太傳謂遂曰

卿兄弟志業何其大殊曰下官不堪其憂家第不
改其樂說遠爲達之兄誣達字安道遠字安邱機

躍雲翔二陸不殊其志世龍躍雲津又云陸士衡士龍

鴻鵠之裴惠所維時茂才忽爾長安發咲遠道來游

踏九陌之輕塵仰三霄之碧露老同愛弟話幾歲之

離思癡念司徒訊邇來之愈否高士傳司徒侯霸使侯子道奉書於嚴光

光曰君房而某以少年同學桑梓而兼薦蘿契濶長
懷班荆而逢獻綈來因舊雨愛挹春風未幾白社興
酣難挽董京之去志晉書董京字威輦小海歌罷終
疑夏統之歸情亦由薜荔居安蘭蓀香發三珠晶映
傍階砌以增榮一羽高翔搏扶搖而致遠於是次郎
某受成書之顧託起國子之聲譽而某適長成均謬
司樂育對嚴助之邑子憶莊忌之故人漢書邑子嚴
臣嚴助吳人郎故人嚴已而太學何蕃念慈親而歸
夫子也夫子郎莊忌南村非爲卜其宅
養南村元亮策扶老以怡顏南村元亮詩昔欲居
鄉杖之年遂致海籌之祝會同里諸君等俱來京邸

雜得志

本共鄉閭素接王翰芳隣尤同季方締好因稱觴而
製錦乃授簡以徵言某齒既居前辭不獲命通家累
世姻聯百歲之盟揆度丁辰僕忝十年之長自是學
與年進方師魯國從心文因福齊更揮燕公手筆予
猶健者君其俟之

天長崇翁亭翁壽序

崇趙州士錦之尊人居里同官為趙州通祝序之

壽星叶紀懸牛斗之長暉德水交流聚江淮之秀氣

搜遺經於岳瀆鐵鎖堆雲

一統志禹治水鎖澗水神無支祁於泗州龜山之足

唐永泰中刺史李湯以牛五十引鎖去之有一青猿高五丈

啟法象於鴻蒙金光

動地

範聞錄僧伽大師於泗州臨淮縣信義坊乞地施標掘得金像一軀上有曹照王佛字遂建寺

北篇從大
起起義下
落依諫肅
同另是一
格
崇本姓宗
南渡避難
改以崇

焉是以山名第一（一統志在盱眙治東下有石士肅刻米芾書第一山三大字）

無雙居在東陽（更陳嬰為東陽令史居縣中）望尊南紀乃有君宗

昨民晉宋承家太守標畫譚之風（後漢畫汝南太守范滂博南陽宗資）

主畫徵君寫卧遊之壁（宗少文事別見）迨至碧疑天水金射

晚霞留守賁志於東京子孫逃威於南甸嵇叔夜之

改姓故乃因山管幼安之庇宗聊為避地迄於金陵

雲起鐵甕潮通佐翊飛龍倉皇逐燕勛隆開代節抗

臨危楊柳城邊泣孤臣之弓劍芙蓉岡上縣永裔之

箕裘蓋惟世濟其忠宜乎族滋益大惟翁早承家學

爰振門風褚唐受博士之經郭賈為諸生之冠編蒲

...

崇為天長
大族衣和
極炙而不
得開科翁
每恨之極
力摩厲人
遺與開科
上江如此
比者其亦
望江極民
亦然故點
齋說此段
尤准也

緝柳種竹蒔花久戴儒冠荀卿三為祭酒

史齊尚脩列大夫之

缺荀卿三移談講櫺歐陽世擅明經

儒林傳歐陽授倪寬寬授生子

世世相傳至曾於時門祚逾遵族華競爽子弟半盈

膠序羣從咸曳衿衫遠過孝綽之一門操觚七十未

登方朔之金馬奏牘三千乃念撤幕赫香既有分於

禮待發科決策端必賴於裁成豈真鄭朗果不宜科

唐書朗舉進士相者抑似歐詹終為始舉是時尺遺

刺史神明軒豁頭角崢嶸議盡生風詞工對月喜成

書之有託極督課之維嚴由是磨角俄成鳳毛殊有

取青紫如拾芥收科第猶摘髭師授咸知吐石之傳

宗盟盡增。凌雲之氣。然則孫卿遠蔭。德星終聚於荀君。後漢書荀淑字季和荀卿十一世孫也。檀道鸞續晉陽秋陳仲弓從諸子姪造荀父子於時德星聚太史奏五百莊忌周遊承明寃處於嚴助。漢書嚴夫子賢人聚。會稽太守賜書曰。制詔會稽太守君。願承明之。廬凡勞侍從之事。注嚴夫子莊忌也。承明廬在石渠閣。凡當年折桂之。克破者。由平日植槐之志不移也。竊嘗論門祚之光也。先有自積而後有所開。以尊先分。望南陽爰尹東夏。移根江左。徙植淮南。王導筮淮而亢宗。虞翻渡江而蕃族。其憑藉固已厚矣。至其兼資文武。世篤忠貞。承撫琴動操之雍容。奮萬里長風之慨。慨如交州刺史。慤孤忠抗表。浩氣貫於三霄。長呼。

陳君初任
清溪調任
副知縣西

錦張揚騰
皆其官界
於事

過河英風厲於百代如觀文殿學士澤蓉城起陸翊
濠泗之真人蕪堞橫江阻燕雲之霸氣如揚州都指
揮剛非皆蔚豹家乘炳麟國史者乎今刺史君親承
庭訓遠振邊猷虎榜鳬羅奉恩綸於天上隼旗熊軾
壯茂績於黔南泊清浪之諸屯牧水西之羣族際二
年而報最復萬里以持麾於是時也親簡邊才再移
滇服脩和水利籌辦軍需當太平極盛之年廓遠蠻
來威之畧宣詔條於炎徼控交益之雄邊豈惟刻獅
制駢象之頑敷揚祖烈宋畫檀和之伐林邑林邑駢
抑且表柱罷輸龍之誓震象以戰宗慈刻獅係以破之
漢書盟曰秦犯

犯秦翰清。自昔南土之鴻勛。本爲君家之故事。昔郭
酒一鍾。自昔南土之鴻勛。本爲君家之故事。昔郭
代公位兼將相。親奉慈顏。萬石君禮肅閨庭。歡鍾子
舍。今當忠存此馭道。阻稱觴。好見穎守奉璽書之微。
萊庭集綵衣之樂矣。某等交深哲嗣。誼附同官。尚待
他年。其伸拜牀之敬。正逢初度。各摘製錦之詞。因磊
落而徠高風。謹揚摧而陳大節。他如怡情閒適。篤誼
推調。里黨稱仁。門庭集祉。四飛俊羽。層出孫枝。鄉先
生類能言之。墨客卿可無贅也。

附記崇君尺遺言其先本宗澤後以避金齊之禍改
氏崇昭初崇剛死揚州之難事具明史今考明史崇
剛與陳植王彬附陳性善傳下傳云燕師之至江北
也御史王彬巡按江淮駐揚州與錢撫崇剛嬰城堅
草堂外集 卷之六 崇剛

守時盛庸兵敗人無固志守將王禮謀舉城降彬執
之及其黨繫獄剛出練兵彬修守具書夜不憚有
士能舉千斤彬嘗以自隨燕兵射書城中縛王御史
降者官三品左右憚力士莫敢動禮弟崇賂力士母
誘其子出崇彬解甲浴狎縛之出禮于獄開門納燕
師彬與剛皆不屈死彬字文質東平人洪武中進士
剛逸其里籍按明之衛所官秩指揮之下有千戶有
鎮撫而都指揮為大揚州守將王禮蓋都指揮也蓋
尊於鎮撫矣禮固欲舉城降而剛則與彬死守賢不
肖之相去何如也剛為鎮撫而崇氏譜稱為都指揮
大抵王禮下獄王彬即奏以剛代故稱都指揮耳剛
為揚州衛所世襲官則自明祖設衛時以軍功襲至
靖難時年應五六十歲史逸其里籍蓋崇
氏遁于天長之芙蓉岡故得全其族耳
雲南提舉代州郎公壽序
蓋聞雲中毓采躋高望於北臺
一統志五臺山分東
頂皆精土徼外分符聯春輝於南極
憑依清峻敷歷
故謂之臺

殷。遙。英。風。齊。恒。嶽。以。崇。隆。景。福。其。岷。精。而。盼。蠶。真。成。
地。行。仙。老。可。謂。天。下。異。人。則。惟。家。本。雁。門。世。承。鴻。業。

學。宗。京。易。儒。雅。重。於。東。都。後漢即顓父宗學京氏易安帝徵之對策為諸儒表

顓。少。傳。父。業。兼。明。經。典。延致學徒常數百人詩。有。唐。風。才。名。稱。於。大。歷。唐

歷十才子即士元與錢起齊名時人稱之為錢郎蓋。自。尊。大。父。博。士。公。風。開。

講。樹。兆。鱣。席。以。鍾。祥。尊。人。州。司。馬。公。望。重。題。輿。並。隼。

旗。而。耀。彩。乃。以。河。東。之。季。鳳。躡。雲。裏。之。雙。鳬。雪。嶺。烟。

江。揮。毫。題。詠。銅。梁。劍。閣。擁。綬。迂。迴。開。蜀。國。之。風。化。如。

文。黨。作。成。都。之。賦。才。似。左。思。爰。起。花。封。遂。稱。繡。使。遠。

牧。雲。龍。之。塞。時。隳。羅。鳳。之。碑。遂。以。軍。功。進。司。隲。政。委。

深謨於劉晏轉運長資進至論於桓寬盈廷聚議汝南

桓寬著鹽鐵

已而漢帝終思卜式地名郡人重借寇恂因

論十二卷

攝銀台權充礦使兼丞開化綏輯地名他郎名在丹臺前

資早殷於天鑒功成白井再至俯順夫輿情整頓積

綱條疏類緒三泉脈湧五井歡騰十二延溪神人受

天師之勅龍虎山志十二神女逢迎天師猶墮神之

井之神止廩君也天師以勅禁之今為延溪十二

皆女也八千盈斛士女免拾遺之歌杜鹽井詩汲井

連連自公斗三百轉致斛八蓋自弱冠紆綱以至龐

千又詩負鹽出井此溪女眉擁節政成仁恕道本雍容渾忘畫象之分猶以蒲

懷懷仁恕
公此老洗
剝皮之諺

鞭為刻至其全安長吏統制屬城黃霸之容許丞不

頗挫

比部為郎
其後官時
絕何重興
以而綱身
自騎道送

嫌重聽漢書黃霸曰許丞傷薛宣之牒陽謀可復伸眉
漢薛宣傳宣尹京兆乃手白牒書條其姦臧封與灌
時陽謀為高陵令曰欲君自圖進退可復伸眉於後
其愛惜士大夫之功名曲全愚百姓之肢體蓋四十
三年如一日也宜其居官歷載遠過趙公當國之年
報最司勳遞受郭令中書之考季義山啟遠比趙公
郭令二十四考中書言其居官之久也矧乃德配馮夫人本高涼之貴
胄紹誠敬之遺徽錦繡家風載魚軒而從夫子繡幃
邦憲齊鴻案而述官箴是以正出三花楊暉崧嶽側
生丹荔發彩蠶叢今耕莘比部早歲蜚英聯登蕊珠
之榜中臺翔步外選白雲之司現逐星輶宏宣天憲

人百里外
史強力如
此仕終燕
泉

與樹堂以
徙來並師
二孫凡七
八年並舉
於鄉云

晴岩力圃兩孝廉名齊璚璚舉並郊祁詠康樂之詩
真能述祖進聖賢之雅本善詒謀他如竹馬爭遶階
庭籊龍競環房序一堂四代莫非玉葉瓊枝二老雙
強儼似木公金母值茲七月祝以千齡竊附同官先
申頌禱老年丞相竚齊柱下之張蒼漢書蒼好書律
歷秦時為御史
主樞下方書漢興為計相百歲司徒庶並朝端之許
孝景五年薨年百餘歲
敬漢順帝紀永建二年七月庚子光祿許敬為司徒
許敬字鴻卿平輿人其稱百歲註未見然按註引東
觀記曰為陵轅使官策免以千石祿終身大抵為其
耆願優
之也

附記世風澆薄好為士大夫作混名士大夫亦樂其
呼之往往害人害事即翁嘉卿官蜀時有郎剝皮之

謫入滇適有開交代之事讓幾真矣有私嫌者欲傾之時其子若伊爲臺郎屢出差勢方殷即故作難動語外爲婉言以激其節相節相自恃極聞若言卽益翁欲置之死以顯其威力翁被議而某亦逮噫者利翁去撤井店封貯鹽負藏壑之山而攫之所獲不貲矣鹽政之敗以至於今不可救藥而翁適不自其禍起於混名吁可畏哉翁爲人和平樂易北蹄後不知尙存否

壽雲南守雨邨先生兼祖其入觀序

璫光麗極八表仰其杓提銅柱擎天南維資其奠鎮承家則五都名重許國則千里輝馳遠人感燹焚之安謳吟獻祝聖主甄龔黃之績制詔徵朝斯固勲望兼隆德年齊峻者也先生承芳華胄稟慶靈源北岳天孫之星燕河帝子之國故多奇節甚茂英風尊大

為理蕃院
謝緯生
部曹縣長
僕僕更移
見什字之
帶

人中丞公橐筆論思。早與三臺之妙。埋輪風厲。高懸
八使之威。家學淵源。世風崇篤。月中生桂。早聞童子
之知言。水上浮瓜。已嘆青衿之不戲。採芹芳歲。分上
膳於天厨。折桂丁年。挹清芬於雲肆。乃以博通服匿。
南史齊陸澄博覽竟陵王得古器小口方腹底平容
七八升澄曰此名服匿昔單于以與燕武視器底有
字如識明白題南史西北邊遠有白題胡入貢裴子
澄言曰漢淮陰傳斬白題將一人服虔
曰白題胡也藁邱咨詢。辨方言於揚子。象胥繙譯。協
人服其博識。詞命於周官。因晉山郎。遂分農部。受郡國之計。料理
頻煩。主司徒之書。才情敏捷。官原應宿宰。許專城仰
芝蓋於東明。驗鳬羅於赤令。訟庭岑寂。屬境清夷。但

樂土洛陽
民歌曰梓
鼓不鳴
五

教放牛以屬王稚子後漢書王渙字稚子除溫令境內清夷商人露宿於道其有放
牛者輒云以屬王不聞桴鼓惟歌董正平安輯東隣
稚子終無侵犯勦除劇盜田廣明由外徵入為擒大姦廣明連禽大
廬傳季珪自縣遷州因甄卓績舉漁陽之刺史瑞兆
雙岐倅地政於諸曹寬敷五教田郎題柱名既記於
軍機帝題柱曰堂堂任延賜繒詔爰宣於徼外
徵為九真太守光武引見賜馬階從王政出守臨安句町故有遺封
一統志臨安樂榮原為香土臨安志樂榮山在府城南其土香美作餅炙熟
古句町國可食焚政崇清靜法尚廉明克綏鳥鵲之蠻不假黃
婦嚙之
龍之誓三年奏計首郡移麾共滇水以清澄並華山

而照曜百城解印咸憚朱穆之威

後漢書穆爲冀州刺史冀部令長聞

穆濟河解印綬去者四十餘人

千里迎轅其愛王基之德廼牽例議

方予量移河內重借冠帽交州終留士燮俯從羣請

用獎循良雖以梁柳降紅粟之恩郭賀蒙衮衣之賜

較茲榮寵何能獨優自是式展許謨再權離政裁宏

羊之籌算不尙煩奇散延壽之官錢咸教歸著

漢書

壽代蕭望之時侍謁者福爲望之道延壽前在東郡時放散官錢千餘萬

此尤畫維軍國

惠渥商民者矣蓋惟學總經儒行成世範咸儀翔雅

進止從容淵岳其心鳳麟其采才饒繁劇性愛披吟

汀洲白蘋不礙吳興之治蹟澄江靜練兼起宣城之

政聲而且愛惜羣僚保全士類諸侯薦鼎資柳下之
一言太上開鑪補潤州之空缺

唐若山刺潤州上
仙人治金補缺是

以行臺欽其備望列家服其公誠適當入覲之辰正
逢覽揆之候敬陳壽酌共獻嘉言昔文潞公守洛讌
結耆英章中散守吳會傳真率今相國李公中丞裴
公方伯孫公臬使汪公大叅許公徐公海公俱都海
內之重望同爲滇南之福星較之富鄭公元少保司
馬端明勛業相符古今奚遠方宜遠猷於交益足追
勝事於洛吳先生以經濟之醇儒爲諸公所器重將
見秋光晚映正輝南極之星歲曜東行人受太微之

續到祖其
大觀作收
以完正法

事出逢雙鹿。端應方兆鄭宏入。作三公璽書已徵黃霸。

附記默齋嘗言甲辰冬月在京都時陳勤齋以軍功見稱異自甘肅陞見諸同年共讌之於曹習菴學士宅酒酣言及升沉之故乃太息言曰吾自翰林改部每京察保薦不得與自部郎出外計典卓薦不得與因自嘆吾吏演相知甚多未有薦吾默齋者而永糧使兩邨曾薦之雖沮於江晚香藩使然終一薦勝勤齋矣兩村名慧蒙古舉人等詩其翁永澄字恕菴工詩畫有異才敬默齋以師呼之入京補都察院筆帖式卒默齋失路差池咸兩邨之一薦殆將終身以師事之亦可憐矣恕菴言其先本山東王氏入北遂落蒙古籍云願默齋不得遇他薦反擠之落傳巖中豈非命耶

高要唐楫山翁雙壽序

楫山唐汝風平埜之尊人也默齋運銅至通州

時汝風正判州事而龍引堂以通永道駐通州親戚友朋俱會集時其尊人壽共仵為序二古

雙峰起法
珠池在粵

嶺南名勝
星岩在嶺南

一 掛各

星翁橫塞騎南極以凌雲珠母輝池映遙光而合月

是以維分朱鳥耀雙揆之長離樹挺明璣疊層開之

寶葉丹砂煉就葛令以抱朴傳書綠艾牽來鮑姑以

紉香行多矧乃城環肄水肄水出臨晉西南家住崧

臺通志在七斗星岩內正衡殷綴七星於岩上硯因工琢列

百子於谿頭皆呈禎瑞之符是鍾清淑之氣惟某翁

先生陶唐衍緒嶺嶠蜚英南海奔騰念家傳之諫草

西湖蕩漾憶僑寓之詩才式廓門風早稱庠彥荀卿

三爲祭酒本是名儒郭泰久冠諸生咸推師表比如

大澤羣趨仲理之風共仰高山競赴公超之市後漢書張

楷字公超隱居宏農山中學者從之師筵大啟子舍所居成市後華陰山南遂有公超市

承歡羞棧以脯束為資負米因舌耕之力迨至黃金

開塚白兔馴庭夫子臨衢魯國爭傳五父檀弓孔子

送大師母
壟如許光
采

父之衢壟於防既墓門人助紼漢儒妙選四科林漢儒

門人後至曰防墓崩門人助紼漢儒妙選四科林漢儒

許商號其門人唐林德行吳章言語王吉政事煥卿

文學林吉為九卿自表上師家各從門人會車數百

兩○誰周倍增閭里之光益見門墻之盛維時伍太

亦有四科君仲承椒舉賢偶梁鴻南園蘭垓膳芳而供阿舅增

城雲母調粉而奉何姑辛勤指樂羊子之機操作提

桓少君之甕早培陰德已發庭前之桂英欲廣連枝

其太姑本
何氏

璽妾生子
耳寫出自
然

杜詩諸生
老伏虔

雙壽一就
義從官一
居則教授
叙得分明
存趙拔長
孫踏自開

更取渡頭之桃葉珠由腹出現已連城荔因側生漸
當嘉樹惟夫人賢從內助故先生道更大光學在江
門人稱爲活孟子明史江門陳獻章人稱爲活孟子籍存鄉校身拘
於老伏虔入鑑芝泉爭識南州孺子充庭羔雁先徵
穎上元方哲嗣平楚使君早登拔萃之科卽與賢書
之奏五花判事人望常雲三輔題輿才馳龐驥隼旗
熊軾正副褰帷見烏鹿轡佇迎微璽顧陳留子穀夫
人已賦東征而嶺海人師先生正倡南學挾桐孫而
獻賦不脫藍衫蕪蘭液以繙經幾忘白髮斯又儒脩
多福晚達稱奇者也於是使君論文旣兼小陸充閭

不就封也

草堂外集

卷之六

唐序

十九

同庚同日
亦奇

延祉更稱五常雪華井之蓮船雙雙玉女坐武夷之霞褥疊疊曾孫四世一堂慶自餘於老壽九如五福羹盡蒲於詩書正值揆辰宜歌純嘏宴分南北其譚歲以三千誕別秋冬俱當月之十六某等同寅附誼猶子均情慈曜近瞻卽作升堂之拜德星遙見爲賦廬山之高不盡揄揚先爲導引

昆明劉某雙壽序

淵望莊嚴

卯金書緯祿閣飛淳耀之光仙李蟠根芳庭集柔嘉之慶托彭城於貴伯耦隴西之淑姿福草揚翹百叢繞砌壽華連理雙幹凌霄高住彩雲鍾金馬碧雞之

秀攸芋概日。毓優麟劣豹之才。錫祉非凡。凝禧鮮貳。
惟君門崇八俊家號五忠。厥考某公。早握龍韜。遂開
虎帳。揚國威於專閫。効勁節於戎行。伯兄巡政。君文
通踰南國之檀珪。威令類西山之郭進。是以羽林監
內。早廁孤兒髦士庠中。旋稱弟子。能文華岳。反從武
學。蜚英投筆。班超終以軍功發蹟。方守烏蒙之塞。卽
達白華之情。留佐軍門。式司巡徼。出趨東府。奉冠屨
於星辰。入侍南陔。膳蘭蓀於昕夕。至其樸誠居性。慷
慨當官。子羽行人。知能周於四國。臧孫遯事。勞不諉
於他人。於時景運重熙。階平星爛。大藩錯峙。碁布星

世差歷案
武官修例
括東類稿
大雅不羣
者由以見
傳籍之也

藻思綺合
緝古月編

奇想

羅街公府之簡書預邦交之樽俎往來於浙閩江廣
周歷於山陝川湖列嶽趨風雄都授館豁高牙而翔
雅步羨嘉樹而賦甘棠常四出以宣勞因九能以作
賦周行跡同太史雅唱集有皇華若乃盛世閔規總
蠻荒而奉職元臣開府擇叅佐而陳書屢陪進奏之
班數預朝正之使雪來柳往星動颺騰李文饒之立
雄邊謀符廟算常南康之進驃樂善動天顏鳳諾批
迴麟厨捧賜急宣萬里隨星月以奔馳聯絡三台布
郊原而迎接是則銀臺投匭振琅響於三霄玉塞賁
函敷膏陰於六詔九千餘道里計程則懸隔燕冀二

十七。往。廻。置。步。則。倍。盈。章。亥。是。非。公。忠。勇。力。逢。吉。康。
強。何。能。及。此。歟。他。如。畫。戟。排。門。牙。籤。揮。架。貫。穿。史。鑑。
游。泳。莊。環。陶。冶。詩。篇。摩。挲。古。玩。雲。雷。細。篆。譜。更。博。於。
宣。和。瑰。寶。幽。銘。辨。尤。精。於。顯。節。第。是。山。巨。源。中。朝。識。
虔。亦。緣。內。鑒。穿。墉。寶。連。波。襄。漢。威。名。雅。賴。閨。文。織。錦。
况。李。太。君。遙。分。仙。蔭。永。錫。純。禧。間。理。縹。緗。時。勤。織。紵。
對。粧。臺。於。玉。詠。證。彼。岸。於。金。剛。因。繙。妙。法。蓮。華。之。經。
獨。誦。世。音。普。門。之。品。優。曇。花。現。已。滿。千。年。法華經佛告諸舍利
弗。如。是。妙。法。蓮。花。經。諸。佛。如。來。時。乃。說。龍。女。呈。珠。遂。
之。如。優。曇。鉢。花。時。一。現。耳。口。千。年。一。現。龍。女。呈。珠。遂。
開。大。法。法華經娑竭羅龍王女年始八歲智慧利根爾時龍女有一寶珠價值三千大千世界持

以上佛佛即受之龍女謂智積菩薩舍利弗言我獻寶珠世尊納受是事疾否答言甚疾女言以汝神力看我成佛復速於此忽然之間變成男子然則維摩詰本為居士滿室而散天花有一摩詰經時維摩詰室至諸菩薩即皆墮落至大弟子便著不墮神力去華不能去菴婆羅故是女孃按法顯記自梨車東行五由女家則施園而安佛鉢佛國記毗舍離國其城菴婆羅王女也城裏本菴婆羅女家為佛起塔今故現在身塔其城裏本菴婆羅女以園施佛作佛住處宜城南三里道西菴婆羅女以園施佛作佛住處宜其福田利益慈蔭攸長故令祖太君年近九旬疇盈五福加以斑衣奉母實偕老萊之妻經笥傳家世授歐陽之業長君辛齋明經薦名北上外翰方銓次君

以雙言收

茂才得地高。騫諸生獨冠而東。又孝廉先諸兄而登。賢能之榜。挈季弟而薦童子之科。四括四黃。鴈行競爽。難兄難弟。鴻筆高翔。孫筍三枝。華堂四世。年因德積。福與遇隆。子月同庚。對懸弧悅。華年週甲。其進樽爨。方侑酣盈。敬申頌祝。聚東華西華之氣。正逢吟咏。雙仙挹南斗北斗之漿。不覺醉書萬本。臨風舒錦。弁首揮毫。

附識先王嘗言四書無小題枯寂題因人見小見枯耳古文亦然如此篇一武巡捕耳寫得如許鋪張楊厲而又皆爲實事見者驚爲揆天其實不過道其職耳

河南薛封翁壽序

客與作

聯珠

崑山思維
樹一年三
花即貝多
也

此翁南陽
久故使車
切當

翔陽踰極麗。重景於天中。瑞蔭揚霄開。三花於少室。
會陰陽而交風雨。降崧嶽而挺英靈。總大河南北之
風。聚中州清淑之氣。山川廣博。人物魁奇。是以五老
會於睢陽。歲餘四百。耆英觴於洛水。席滿千籌。況乎
利盡三川。人臻五福。張平子南都之賦。曾寫繁華。蕭
相國鄧縣之封傳。多老壽。秦公稚雉迎朝日。以來翔
葉。令仙鳬穿重雲。而欲下接阿原之體勢。際風會之
昌明。鍾毓有由。純禧是錫。恭惟某翁先生。本河東之
望族。親洛下之儒宗。序以周班。莫並諸任之齒。華於
漢代。獨推宰相之家。門第清高。詩書佑啟。至其公明。

許宣

薛君由鄢
陵教諭起
漁洋詩興
陵野色平
如掌貌得

應物孝友過人。則可謂見薛邑孟嘗之深心。長青萍之重。
傾克承芳緒。無忝餘風矣。六行禔躬。一經教子。萬有。
君謹禮。在於不言。歐陽生授書傳之累世家。多才子。
盡蜚丹穴之英。世有聲名。多是瀛洲之客。哲嗣某君。
胃承飛鳳。技擅雕龍。早與楊子之元。遂脫毛生之穎。
茂才異等。漢廷之策士。維優拔萃。中科唐代之蒐奇。
最貴。左挹右拍。捷若摘髭。前沈後揚。易於反掌。蓋以。
熙朝造士。首重儒官。盛世作人。爰歌壽考。於是明薛君鄢。
陵野色。風景大似江以南。河汾教行。多士共稱。薛夫。
子龍門紹世。固知遷學之本。談燕雁充庭。詎令卿貴。

江南此景

轉折分明

之慙長乃以從心之歲式邀司鐸之封桃李新陰集
鯉庭而益茂椿桑初旭乘鳥馭以高馳兆啟鱣堂方
卜三公之慶秩膺熊軾旋分半刺之權題輿之譽交
重賜璽之章單及五花判事榮必至於所生三秀長
春壽斯羨太難老夫其得年以德故錫福者恩隆而
其詒穀以忠故服官者績懋於是太平極盛尤推守
令之賢南國是疆用選循良之吏而某君進紆墨綬
遠宦朱維舉三異之鄉風遵二禹之荒逕採阮俞之
遺竹共奏和聲封召伯之甘棠早徵惠澤大吏才其
幹濟薦膺上於青冥爰獎殊猷將移長樂星郎出宰

縣志

陪列宿於中霄。離曜懸暉。照老人於南極。比邢公之八十。過箕三年。取陳王之十千。開觴五月。榴花照眼。已含多子之房。蓮葉開拳。好酌碧筒之酒。則惟脩篴。疇於嚮用。頌周雅於維祺。下視南陔。佩金魚而奉饌。仰承北極。飛木鳳而銜綸。是亦木天爵之留餘。極人倫之樂事矣。某等夙隨令子。雅號同官。宣聖伯陽。曾因孔李之世好。浚儀懷縣。正當潘陸之時同。幸附寮宋之私。宜有頌言之貢。緣拘職守。未獲躋稱。雞黍約言。升堂終俟。夫他日鶴芝懽祝。覽揆先達於茲辰。式介霞盃。常添海算。榮光浮而青雲出。會河洛之真詮。

燕翼永而鴻緒長脩中原之文獻將見戩穀慶如山

壽視公崇並嶽封矣

舒城葉處士翁壽序 葉某居三河鎮戊子歲館於程氏徐茂才來謁請為

序之

生新

於無可銷
張必銷
極熱關此
書家姓花
之法

若夫少微懸象星躔分黃大之華甘露零宵竹柏得
清明之氣重熙累洽導樂宣詩玉馬儲精禮晚英於
松橙筠鳩頰刻起秋色於桃枝歌詠昇平涵濡豐沃
噦瓊嚙醴血休含哺之風笑服慙冠載郁時文之俗
魯志少微四星第一處士第二議士第三博士第四
大夫明大而黃則賢士舉宋志耆老見敬則柏受甘
露尊賢愛老則竹蓍受甘露張協七命尊氣以樂宣
德以詩宋志玉馬王者精明尊賢則至王勃頌桃溪

元本里第
與有古壁

逸彦松磴遺其後漢志仲秋賜玉杖以鳩鳥爲飾預
信賦杖端刻鳥又銀角桃枝注桃竹杖也名命羣萌
反素時文載郁樵夫耻危是以遊鄉知易比戶看封
冠之飾興臺笑短後之服
野胥建德之淳地盡華胥之古莊山木南越有邑焉
名爲建德之國民愚
而朴少私而寡欲知作而况復名邦是宅樂土爰家
不知滅與而不求其報
比汝穎之多奇兼江淮之聚秀躋秦河斗拱天廟於
銀津柱屹山宮奠地維於瓊岳漢后登封之舊履周
郎推宅之遺墟傳有先賢志多人物仙梅野邈藏石
洞以繞丹逸李風流寫雲莊而拂素阮閔休談詩之
雋徐行周敦義之隆交友固同於飲醇事親不辭於
刻體更南斗之廟爾雅大山宮小山霍吳志周瑜舒
人孫策與瑜同年獨相交善瑜推道南大宅以

舍策年二十四吳中呼為周郎舒城志梅山縣西北
十里梅福棄南昌尉隱此上有梅仙洞龍眠山縣西
南八十里李公麟隱此阮閱詩總序宣和癸卯官柳
江取所藏諸家小史別傳雜記野錄分門類之名曰
詩總倦遊歸田幅巾短褐松窓竹几時卷舒之宣和
五年十一月朔舒城阮閱序按閱字閱休今舒城志
遺之唐書舒城徐行周數世同居天子表門賜栗帛
江表傳與周公瑾交若飲醇醪不覺自醉舒城志植
念二上陽鎮人淳熙十二年二月母章氏病幾絕念
二鑿左脛骨寸餘取髓食母遂愈同時以割股救母
者余元璨汪安淵三人事聞於朝詔付若乃先朝甲
史館仍令有司依例優給碑刻尚存
第奕禔休光宦績著於遐陬鄉賢祠於故國如此家
也嘗有人焉舒城志葉鸞字應和登景泰進士歷戶
部員外貴州叅議廉靜忠誠瘵人越愬
賂馬金部之以親老乞歸蓋自西楚流稱南陽啟胄
乃以憲副致政祀邑鄉賢
荆卿受命頻聞至聖之言越國疏封顯列上公之爵

既濃道氣。旋振儒風。高孝甄三相之賢。顯衡盡一時之選。前言能識。聞少保之早成。藻思尤多。羨推官之英發。隼子葉公子高使於齊。問仲尼曰。子其有以語我來。唐書葉法善封趙國公。宋史葉義問字審言。壽昌入葉顯字子昂。仙遊人。葉衡字夢錫。金華人。史臣論曰。葉義問直言正色。顯清儉正直。衡才智有餘。蓋亦一時之選。宋宰相輔表。高宗紹興三十年。葉義問知樞密院。考宗乾道二年。葉顯同平章事。淳熙元年。葉衡除右丞相。宋儒學傳。葉適藻思英發。擢進士第二。授推官。至通議大夫。宋文苑傳。葉夢得嗜學。早成。多識。前言往行。卒贈少保。系分望緒。居得芳鄰。玉以崑繁。蓬因麻直。聲華鼎盛。南朝宰輔之家。礪硠英多。列郡賢豪之里。清門自愛。杼巷相親。繼體岐嶷。魏國嘆鱸王之異。追踪耆舊。襄陽親蹇習之遊。能廸惟光。克薰其德。

諾推楚重故明風俗所由儀辨張佳益信源流自起
左思賦老無杼首又岐嶷繼體老成奕世北史王慧龍傳慧龍合家見誅年十四歸魏崔浩弟恬聞慧龍王氏子以女妻之王氏世鱸鼻江東謂之鱸王慧龍
貞漸大浩曰真貴種矣晉書習鑿齒襄陽人宗族富盛世爲鄉豪少有志氣以文筆著稱桓溫辟爲從事以脚疾廢於里符堅聞其名與道安俱與而致焉以其疾與諸鎮書
獲士裁一人有半至於平心率物雅意隆人如杼不作重輕似尺但隨長短解紛立釋自平穿屋之爭就質胥慙咸獲望廬之返舟中舉麥曾不踰時鋤下揮金絕無流眄諸葛集吾心如杼不能爲人作輕重後漢王烈傳諸有爭訟曲直將質之於烈
或至塗而返或望廬而還額府范亮夫舟有麥五百石與石曼卿葬世說管寧華歆共園中鋤菜見地有片金管揮鋤與瓦石孔攷每賙不足甄逢常振其餘不異華捉而擲去之

孫令簡
類耳為得
如計治奇
見用筆之
妙

約。卽。管。石。皆。分。豐。雖。魯。困。俄。指。貨。惡。棄。地。力。懼。出。身。
界。外。相。逢。與。車。鮮。姓。名。之。告。縣。中。素。謹。居。閭。有。長。者。
之。稱。鄉。達。於。齒。尊。意。臻。於。實。至。宋史隱逸傳孔叡隱汝州汝陽城有田數百畝遇歲饑分所餘賑不足唐甄濟傳歲饑節用以給親里大穰則振其餘國志管寧傳註如親知舊鄰里有困窮者家儲雖不盈擔石必分以贍救之吳志魯肅傳肅家有兩園米各三千斛指一園於周瑜後漢劉翊傳曾行汝南界中有陳國張季禮壯師喪遇寒米車毀翊卽下車與之不告姓名策馬而去史記陳嬰居縣中素信謹稱為長者邑公某君心勞撫字躬任激揚單父高賢為政恒多友事白沙明府赴官先幸師資淑泊前徽教時後進訪下鄉之朱邑舉舊里之文翁家語子賤為單父宰及事者十二人循良記丁積令新會師陳白沙為政白沙樂歲詩曰長官願似丁明府漢書朱草堂外集顯卷之六葉序

邑字仲卿爲桐鄉耆夫文翁少好學通春秋以郡縣吏察舉舒城志文翁莊在治西南文翁常讀書於此每景清風尤甄高行曾知雅懿特獎賙賓馬牧化居本齊名於矯慎龍邱履義宜被禮於任童後漢逸民傳矯慎字仲彥扶風茂陵人同郡馬瑤隱沂山所居俗化百姓美之號馬牧先生焉循吏傳任延顯名太學號爲任聖童拜會稽都尉吳有龍丘萇者隱居太末掾史自請召之延曰先生躬德履義有原憲伯夷之節召之不可遣功若乃閨席離和階庭孝友四人同產繆彤曹奉謁敦睦之風諸姪猶兒馬援周親之義式隆家法克邵堂基燕詒誇三羽之齊仲叔占一經之受雖居闔閭但掩精廬比鳳能書自得顏公之筆聞牛感讀嘗垂董相之帷子弟真佳中賢樂養五郎兒出必無游步

忽出奇趣
史公貨鑑
傳之法

之多八行齋昌。見餘風之永。後漢書繆彤兄弟皆
閉戶自撝弟及婦悉叩頭謝罪更為敦睦之行南史
王僧虔曰昔馬援子姪之間一情不異鄧攸於弟子
更逾所生吾實懷其心誠未異古後漢書檀敷立精
舍教授南史謝鳳子超宗侯王僧虔往東齋諸慈慈
正學書未卽放筆超宗曰卿書何如虔公慈曰慈書
比大人如雞之比鳳來顏延之傳帝嘗問以諸子才
能延之曰竣得臣筆測得臣文爽得臣義躍得臣酒
何尚之曰誰得卿狂曰其狂不可及宋史杜生穎冒
人縣人呼爲杜五郎不出門者三十年其子村童也
性質淳厚聞至縣買鹽酪可數行跡以待其歸徑往
徑還未嘗旁遊一步也又徐中行傳郡守李謬以八
行薦與山陽徐積齊名呼爲八行先生子庭筠童壯
有志行父子俱隱遂稱曰二徐先生庭筠兄皆矧其
有父風孫曰升苦學有守詩書不絕六世矣矧其
舊盈百室實占三河錯牙廬合之交陳掾江湖之湊
沙棠雲委仄蔓波騰舳接艫銜各載長檣之米鱗躍

解引齊哦小海之歌各競繁華亦一都會而獨焚香
掃地種藥蒔花常自教兒惟時衙子起責朝過之罰
卧聽夜讀之聲允宜望鎮浮囂尤乃識超儕輩（一統志廬
江唐廬州合肥唐合州（史記揚平陽陳椽其間得所
欲（晉城志三河縣東六十里與合肥廬江合界（晉夏
統傳統乃操施正櫓折旋中流初作鯢鰲躍後作鯢
鯢引風波振駭雲霧杳冥又統曰伍子胥諫吳王見
戮國人痛其忠烈為小海唱於是足以足叩船引聲喉
嚀清激慷慨大風應至（宋史吳瑛臨溪築室種花釀
酒（李賀詩長槍江米熟（陸其外潤也既如彼其內守
放翁詩夜靜卧聽兒讀書
也又若此是以優游物表願養天和笑傲湖山嘗放
林逋之鶴往來郭店時騎楊璞之牛氣力猶戡神明
殊勝劉麟信義每周斯伍之家宗翼勞謙還抗小兒

徐生廬江
徐宗將廬
東之子也
慶東與然
齊同東於
齊出王馬
門其
生與諸
而增於三
河葉氏來
謁請為其
婦翁製序
也

之禮情均貴賤好狹暑者傾坐原多祝岡斯盛筆談
隱居孤山蓄兩鶴縱之則飛入雲霄通常泛小艇遊
西湖寺有客至連所居一童子延客坐開籠縱鶴良
久逋必掉小船歸宋史楊璞字契元新鄭人每乘牛
往來郭店自稱東野遺民晉畫劉麟之雖冠冕之族
而信義著於羣小凡廝伍之家婚娶奠送無不躬自
造焉宋戚同文傳宋翼者上蔡人見鄰里小兒待之
如成人未嘗與欺給同交謂翼於時廬江徐生絲窓
曰子勞謙有古人風真吾友也
執禮愛冠襟僚帳殿陳詩氣衝星象家庭謝傳早知
道韞之才山斗韓公快選李翱之雋庾信賦祇立行
詩氣衝星象表詩感帝王尊晉畫王凝之妻謝氏字
道韞叔父安驛文公畫李習之妻吾兄女唐書李翱
字習之後魏尚書左僕射仲十學原聞鯉誼近乘龍
世孫從韓愈為文辭致渾厚
為舉霞觴先施錦障乃以冬郎老鳳曾同先甲之名

春酒介眉適當降寅之日因推製序難謝慚文爰因
曰錄之辭聊舉耳聞之實。義山集韓冬郎卽席爲詩相送因成二絕寄酬兼呈
畏之員外十歲裁詩走馬成冷灰殘燭動離情相花
萬里丹山路雛鳳清於老鳳聲註冬郎韓偓小字也
文韓同年新居戲贈一名我漫居先甲子騎君翻在
上頭註韓瞻字畏之韓偓父也開成二年義山同年
唐書韓偓字致光京兆萬年人楚辭惟庚寅吾以降且以見仁風丕播壽域咸
躋坊堪悉表通儒里可胥題處士發揮不嫌於溢美
風示併足以垂型陶隱當筵初轉仙人之盼呂翁他
日待膺公士之榮。宋史章魯雙流人嘉祐中賜號冲退處士王素時爲州因更所居之
鄉曰處士里曰通儒坊曰冲退仙傳陶隱居末年眼
瞳方宋史開寶中年八十以上呂繼美等二十九人
並賜爵公士

同學劉宗周茂才雙壽序

宗周名大，中乾隆二年鄭公視學拔補諸

生次子逢奇，現宰上高，聞宗周現就養上高，益年且八九十而矍鑠自如也。

益聞丹臺上客摩金像以忘年，紫府靈娥吹雲和而

度曲，水晶簾捲，玳瑁筵開。本公并金母交觴，真人與

元君受錫，是以都姬犢子採桃李而忘言，葛令鮑姑

分艾砂而登假。沈賈則眉齊金案，陽徐則襪接雲龍。

均天上之偶仙，極人間之雙壽。

後漢畫薊子訓與一老翁共摩挲銅人相

謂曰：適見鑄此已近五百歲矣。漢武內傳：王母命侍

女董雙成吹雲和之笙。仙傳：拾遺世人登仙，皆揖金

母而拜。木公：魏夫人傳：道教授當為仙者，男曰真人，

母曰元君。列仙傳：陽都女者，酆家女，會犢子牽一黃

犢來過都女，留相奉侍，出收桃李一宿而返。晉書：葛

洪師事南海太守鮑佺佺，深重之，以女妻洪。洪聞交

直切彭城
民族

語妙

城中巨姓
聞劉龍芳

趾出丹求爲勾漏令傳奇崔煒居南海見乞食老嫗
曰吾善灸贅疣今有越井岡艾少許奉子煒不知鮑
姑是何人曰鮑靚女葛洪妻也神仙傳沈義與妻置
共載上天數王女持金按玉孟來賜曰此神丹大妻
各飲一杯壽萬歲仙傳拾遺陽翁伯以白璧五雙遂
壻徐氏數年雲龍下迎夫婦俱昇天左思魏都賦木
羽偶况乎上虞賢宰同乘皂莢之雲天台美人風泛
仙蕪青之葉佳譚綿於奕禊故事出於君家則又漢閣
難藜世續長生家譜淮山採註代延連理仙枝者也
仙女傳樊夫人者劉綱妻也綱仕爲上虞令有道術
常與夫人較其術用將昇天縣廳側先有大皂樹綱
升樹數丈方能飛舉夫人平坐冉冉如雲氣之昇同
昇天而去神仙記劉晨阮肇入天台採藥見蕪菁葉
流下甚鮮妍溪邊有二女忻然如舊相識曰來何晚
耶神仙傳淮南王劉安者漢高帝之孫也不山招隱
攀援桂枝
聊淹留
同學劉兄宗周舊號書淫今傳學府聲華

劉君居北門故以北門學士戲之

署府陽使君按去首舉宗周梓其文時丁巳年也

鼎盛北門學士之家古器光流東宮舍人之選三君

啟後八俊流芳爾史劉峻謂之書淫類纂劉顯博涉多通稱為學府梁畫劉顯博聞強記

過於裴顧唐書劉禘之能文辭時謂北門學士南史

劉杳兼東宮通事舍人昭明太子有飢食器因以賜焉宋史

曰卿有古人之風故遺卿古人之早歲蜚聲人稱

終賈盛年績學才捷應徐文字撐腸固已獨兼八斗

精神滿腹何難足了十人潘岳賦終童山東之英妙賈生洛陽之才子陸魯望

詩惟君才學似應徐韋諷詩撐腸拄腹文字五千卷顧

府天下才一石子建獨得八斗南史柳惲傳分其才

足了邦伯檀許楊公鐵網搜珍冰壺朗燭拔為首選

梓爾佳篇袖緘李程之文市貴左思之紙雅言李程試曰五色

賦先榜落矣楊於陵乃於故冊未繕寫而斥其名氏

攜之以詣王文嘆賞不已擢為狀元晉書左思賦三

崇周敦行
好為義利
事因序之
於左
此序其指
倫經類為
題公祠

都豪貴之家競相傳
寫洛陽為之紙貴

自是筆雄花夢衣染芹香紀瑜

代博士之談郭泰為諸生之冠

後漢書諸生三萬餘人郭林宗賈偉節為

其神鋒殊儻內行尤脩白飛狄相之雲紫茂田家之

樹自成家法益渙邦朋公正無私經營舉太風人錫

類掩骼陳月令之文才子哀吟刻碑遺江湄之愛爰

謂自樂天泰中吟

糾同志首解私縉立局頒條君安寘漠脩祠備禮德

感窮黎足使孤竹遺骸免致廉翻之夢安陽舊址尚

統王濟之歌詒厥來茲何其盛也

百刻碑誌我聞望江縣勉令撫憚嬰

在官有仁政名不問京師身歿欲歸葬百姓遮路岐

攀轅不得去留葬此江湄謝惠連祭古塚文號曰冥
漠君傳物志黃翻言海邊有流屍露棺絳衣體貌完
全使翻感夢云我伯夷之弟孤竹君也海水壞吾棺

此序其間
涉俗語
門化語

此序其間
涉俗語
門化語

經注此作廉翻。至若文翁立廟為居太守之官。

合成梁亦屬司空之職。而率先襄力竭慮竣。工廟旋

朱雀蹀躞。橋倏青龍。見水是則脩車盈萬。不須魯相

之私錢。鞭石橫空。儼出秦皇之勁鐸。儒者功何其偉

仁人利不徒言。漢書文翁為蜀郡守。治學官於成

其並日暮時。見水中鐘離意。別傳意為魯相到官

始無作石橋欲通海。看日出處有神人。能驅石下海

人得一鐸。聲如霹靂。識者云。始皇鑿山鐸也。昔者

洪州胡氏兄造南津第。脩孔廟。士能醇備。至渥頻仍

伯邀本州助教之除。叔膺光祿寺丞之徒。朝紳錫秩

伯邀本州助教之除。叔膺光祿寺丞之徒。朝紳錫秩

之故

轉落

古而新

國史揚休何者實至而名歸多士既聞束脩之潔處
下而施博清時必有異數之褒也采史胡仲堯洪州奉新人累世聚居至數百口詔旌其門用私財造南津橋太宗嘉之除本州助教弟仲容建本縣孔子廟頗為宏敞遷光祿寺丞致仕天禧中賜緋魚學使今總憲補亭公校士名邦舉君優行士林祭酒夙推荀子之尊太尉遴才先慕魯恭之志細甄諸懿特奏櫛間豈非道以時光能佐昇平之治教行爲士則宜叨賢喆之薦敷者與正孫卿最爲老師三爲祭酒後漢書魯恭居太學習魯詩開戶講誦學士爭歸之太尉趙憙慕其志焉至若叙出箕疇終因嚮福歌陳周雅首重嗣徽知內助之尤賢慶假家於交愛則有如德配方孺人方雷懿仙詠雪清

才元老于田人皆入雅富文題閣女亦知書紹種荔
之餘芳循斷絲之遺緒氏族遷方姓方雷氏之後詩
壁爲閣以藏其書榜曰富文子孫相傳爲富文方氏
方慎從知嘉州手植荔枝於郡園賦詩云留取清陰
待子孫類慙方備爲郎中上嘉其才以亂絲蘭綵
使理儲教劍斬之日反經順勢事理宜然
佩金星同麝月聯輝香茗裁箋珊架齊玳裝文麗于
歸初詠爾室胥宜豹隱相將蔚爾南山之霧鴻莊共
對依然東廬之風玉臺新詠金星與婺女爭華麝月
長不煩弓韜類祈旗鈴得兆懸弧而來雙壁設帳而
夫姆教獲備珠王氏諸郎寧馨惹鍾於阿母趙家愛女婉婉
見惜於夫人繞膝增懽開眉志喜乃韜旗鈴註見張
仙世說王氏諸少

大郎寺奇
子食平時
為會通等
房薦次科
即中式則
此序之言
驗矣

草堂外集

卷之六

三十三

並佳又生此寧馨兒郭氏舊史辛雲京除潭州都督
將辭累日不獲見夫人王氏及趙氏愛女謂曰汝第
去吾為汝長郎才標亮拔器宇軒冲馬監稱其家兒
言於令公長郎才標亮拔器宇軒冲馬監稱其家兒
何顯顯於太學君誌稱其家兒次郎舉場殊健房薦
新膺單居離達善相咨遂列曾門高弟原註出判守
閻濟美律詩徐獻佇收雒邑遺才會子書亭集單居離
單居離問事父毋有道乎曾子曰有孝子之諫達善
而不取爭辨乾膜子閻濟美下第將出關因獻座主
六韻律詩座主深有遺才之嘆曰所投六韻必展後
効秋薦名到洛登第座主還關之日獨揖前曰春間
遺才所投六韻不敢暫忘聊阿倩龍君體麟洲之遠
副素約耳按時試於東都阿倩龍君體麟洲之遠
孫壻雕龍之貴胄三娘辭藻清拔實亞諸兄四象淵
源奇逸無慚厥祖要慶志龍仁夫學者稱麟洲先生
南史劉繪諸子各擅醜龍又孝綽

總滙團結
玄理縝密
而法尤圓
到口生女
猶得姝比
陸人家樂
事
雙接上文

三妹適東海徐悌文猶清拔所謂劉三娘者也元史
劉誅傳同郡龍仁夫文尤奇逸流麗所著周易多發
前儒之所未發東西列第近接璫題內外羣孫胥環
易經易有四象東西列第近接璫題內外羣孫胥環
王笄孺人相予夫子延洪老福之徵集彼華堂飲助
分甘之樂時或花朝月暮園曲城闌駕潘家之板輿
看庾郎之盤馬家庭盛事如戚懽情是又戢穀宜歌
叙言難罄者矣選賦裁金碧以飾璫畫不少延巖棲
偶鶴杖對雙鳩象兩比於台光致三多於華祝芳春
甫季花甲初環曲水流觴宴遲七日仙霞汪醞算永
千齡啼鶯繞戶而排歌落卉依筵而助舞二方繼志
薦栢酒於丁年五色成文篆雙書之亥字天官書兩
兩相比曰

宗周長身
玉立短視
常絳服鏡
行義皆自
愛之長如
漆有光或
謂服何首
烏所殺
結亦勁而
寤

從太原族
望起冠冕

直堂外集

卷之六 劉序

三四

三僕早叅賢序素炙清輝筆研親陪誼切忘年爲友
壺樽相屬時當初度惟寅因踵諸君赴潭頌社不辭
末座受簡摘詞乃援賀瑒同業之懽兼聞與缺饁耕
之敬敷陳梗槩用祝崇祺僕本求仙疊算蓬萊之室
兄真得道雙飛王屋之莊甯史卞華年十四補國子
生徧習五經與平原明山
賓會稽賀瑒同業友善梁書賀瑒字德璉左傳翼缺
蔣其妻儲之敬相待如賓太平廣記六合圖與張老
與妻常氏移居王屋山
莊常兄訪之已得道矣

嘉善王封翁壽序

若夫望出太原風高儒仲不稱臣於天子遂偕隱於
賢妻盛德所遺前徽益懋顯於魏晉衍於東南逸民

神南香嘗
言楓涇鎮
有三奇委
近思以取
人為一品
謝金圃以
獻賸紫季
實以延對
皆第二人
皆先後出
自錄也每
於細事寫
出字字得

著乎范書。世系詳乎唐表。比琅邪而更勝。為海宇所
莫京。是其奕葉翹起之英。莫非廣武隱居之裔。然則
少微星象。漸上近于台垣。槐樹階庭。已預知其兒子。
卽君家之故事。為祝嘏之嘉言。則於嘉善王封翁見
之矣。蓋其地分禾郡。居奠楓涇。內涵湖蕩之柔波。蕩較
湖而淺。天荒蕩和尚蕩。祥符外納吳淞之綺瀨。清風
蕩。查家蕩。許家蕩。皆其地。二統志清風涇陳故鎮則近表三奇。斯
則古傳獨往。二統志清風涇陳故鎮則近表三奇。斯
固高人棲逸之鄉。而亦舊產祥符之地者也。二統志
舊為祥符禾中本為文藪。筆下各逞詞鋒。國醴談鄉
之座。故名。禾中本為文藪。筆下各逞詞鋒。國醴談鄉
校之遊郭賈作諸生之冠。宜其並名比牒。共炫石渠。

禮其巧處
左徵事
以比醜之
遂成大雅
之音

金馬之才。乃以泛宅浮家。竟戀尊萊鱸魚之味。遂絕
意於進取。乃肆志於優游。興在清齋。年入立境。安仁
當二毛之見。卽賦悼亡和靖。沉萬卉之酣。從斯不娶。
悽然增伉儷之重。邈爾爲仙侶之遊。樓蘭臺金匱之
內。經品蓬島嶽巖之秘。製殷中軍妙解經脉。常憐給
使之求陶隱居。普濟陰功。詎守伯康之價。診視不辭。
於風雨。窮窮因濟以獲苓。雖武安鑿山采藥。恒聞於
高士。陽岐匿跡。窮髮待望於叅軍。不是過也。至乃雲
上風疎。海涵地負。其量莫測。所性彌恬。無疾言遽色
之形。有客悟意消之化。任亡羊於博簊。信壯雀於租

劉子
公

船鄭家免。憩泥中。劉公惟憐。羨爛復若。惠周佃客。從
不取贏。歲遇稷災。尤爲體卹。收薛不嫌焚券。田隴時
聞散租。事類乎古人。鄉稱其長者。李珣不營升斗名。
遂書於仙曹。莊生欲弃權衡。風同臻於古處。矧乃淡
交如水。醇飲若醪。李密無彼此於人。晏嬰隨屈伸於
已。是以朋傳耐久。怨鮮末終。抑又竭力周旋。均情親
故。周園乍指。邱宅能分。劉子相豐產。周施不有其惠。
陳景公還錢密代。未尸其名。其高尚也。旣如彼。而積
厚也。又若此。所以淮山桂茂。叢蔚彌岡。羅宅蘭生。芬
芳滿戶。許龍對躍。出自平輿。陳星雙橫。映於清潁。長

說得文
浦官如此
腔面

君早空羣於冀北。遂筮仕於楚南。樹蕙畝之勤勞。方
陳騷賦。戀蘭陔之孝養。竟補笙詩。雖踈足於修塗。已
蜚英於仕版。次君則映川明府也。以璫璵之珍品。試
經緯之鴻猷。乃紹黃綬而來。遂麗彩雲之下。孫子荆
之叅軍事。長揖直前。孟萬年之與賓筵。高言任覓時
制。府公宏開幕府。妙簡賓僚。多士爭羨。夫芙蓉之皮。
三才盡集於太傅之府。明府君以名家子弟。江國俊
英。因特達於珪璋。爰拔羣於鶴鵠。韓文公之從董丞。
相故作巡官。杜司勳之麗牛奇章。實黎賓佐。出則乘
輅於遠塞。入則周徼於會垣。緣藉甚之聲名。逢陟明。

臨臈
雜帖

之計典。兩臺交推其循卓。雙寫并受乎尚方。蓋以滇
服實雜以蠻渠。平曩尤扼其險塞。衝塗四應。必須練
達之才。環迥羣番。尤在撫綏之德。聯滇黔之界。通南
北之衢。冠蓋逢迎。風塵賞識。已知仇香不久棲於枳
棘。益信黃霸終日致於鼎槐。斯皆教自於趨庭。故得
名揚於薦牘。辛年正當三月。家慶適值七旬。乃會同
官敬爲授簡。爰書筠管。寄侑霞觴。懸計嗣君入覲之
時。卽是便道省親之日。挽文庋而置膝。定啟驩顏。念
家風於太原。彌深慈愛。京陵東海。禮法之福祚悠長。
僑姓過江。族華之紛繁競爽。敢申九如之祝。敬佇三

錫之榮慶自滇池懽馳海浦

麗藻外集卷之六

江渚檀 萃默齋著

天都吳 珏並山評

序

福太夫人壽序

絕大題目
須用大手
筆方稱
瑞○光○麗○極○祥○凝○斗○母○之○輝○銀○澳○橫○秋○瑞○現○河○姑○之○彩○
履○樊○桐○之○福○地○本○是○天○人○植○珠○樹○於○昌○期○皆○爲○國○秀○
調○和○元○氣○早○諧○東○極○之○公○孕○毓○星○精○盡○作○羲○皇○之○佐○
山○尊○羸○母○司○九○德○於○長○乘○序○擁○臺○卿○陳○六○符○於○上○相○
巍○峩○甲○第○近○接○丹○霄○照○曜○庚○暉○高○臨○弱○水○卿○雲○五○色○

歌湯伯庚
口獸齋駢
帝富歷多
緯事向以
大年納被
疑之為其
或藉檢查
也庚子同
入洪閣正
鎖封閣卷
令箭至第
此序咄咄
辦之因大
嘆服附記
之以皇宮
時上登諸
公重默齋
之文如此

交環慈姥之峰娥月重輪長映常羲之渚爾雅河鼓

樂府云黃姑織女時相見黃姑反語河鼓水經注崑

崑崙之山三級下曰樊桐一名板松二曰元圃一名閭

風上曰增城一名天庭是太帝之居山海經三珠樹

在厭火北生赤水其為樹如栢葉皆為珠一曰其

為樹若彗諾皋記東王公諱倪字君明天下未有人

民時秩二萬六千石佩雜綬綬長六丈六尺從女九

千以丁亥日死山海經東方曰折來風曰倭處東極

以出入風北方曰處來之風曰狹昇處東極以止日

月無間西山經羸母之山神長乘居之是司天之九

德也黃帝泰階六符云太階者天之三階也上階

為天子中階為諸侯大夫下階為士庶人上階上星

為男主下星為女主中階上星為諸侯三公下星為

卿大夫下階上星為元士下星為庶人通上慈姥神山

在江寧府西北二十里本鼓吹山以山有慈姥神廟

故名大荒西經有女子方浴月帝俊妻常妻常羲生

月十有二此始浴之也有池名孟翼之攻顓頊之池

惟某太夫人星宮分彩雲第凝麻累葉勳家推華腴

之鼎族清華。威。晚。習。詩。禮。於。芳。齡。相。府。蓮。花。映。丹。霞。
而。擢。秀。仙。山。桂。樹。含。瑞。露。而。垂。芬。比。鍾。太。傅。之。女。孫。
早。聞。韶。令。爲。王。司。徒。之。德。配。愈。著。賢。明。其。歸。相。國。公。
也。相。敬。如。賓。不。矜。處。貴。潔。蘋。蘩。而。薦。敬。如。琴。瑟。以。諧。
聲。是。時。王。謝。高。門。原。稱。鼎。盛。崔。盧。舊。望。不。改。清。貧。朝。
夕。勤。勞。晨。昏。拊。搗。奉。君。姑。之。遺。訓。相。夫。子。以。承。家。適。
會。銀。璫。開。符。金。甌。卜。慶。軒。皇。寤。思。大。吹。塵。垢。之。風。商。
后。形。求。遂。獲。箕。星。之。佐。於。是。相。國。公。贊。勳。謨。命。黼。黻。
昇。平。輔。鴻。業。而。邁。古。今。保。小。心。而。膺。弗。祿。八。千。里。外。
往。來。奏。絕。塞。之。奇。勳。二。十。年。餘。中。外。稱。太。平。之。賢。相。

亦惟雞鳴鳧弋。賴交警於詩歌。所以翟畫鵠章。盛彰施於寵命。至乃勲隆柱石。世守珪符。尹陟同心。陳何書於商邑。韋平繼體。宏大雅於西京。象應文昌。拱六星而環匡。衛精鍾緯。曜降五老。而集階庭。聚同氣之英才。佐萬年之天子。出則方叔。名虎入則伯益。臯陶際千古未有之熙時。介一代無雙之景福。適當嘉平令月。正逢壽慶良辰。月卿會埤戲。班衣而燕喜。天孫正席。進滌瀝以承歡。簪纓繞聚。笏之牀車。蓋傾鳴珂之里。千尋瑤幹。韻八會於琨陵。九氣雲璈。吟四真於陽綈。歡騰戚里。慶接炎陬。

世說王司徒夫人鍾氏太傅曾孫有俊才

女德古史黃帝夢大風吹塵。風后立以爲相。書乃
審厥像以形求于天下。說築傅巖之野。惟肖爰立作
相。非子傳說得之。乘東維騎箕尾而比于列星。按伊
尹伊陟兩世相商。漢韋平父子宰相。陽滌一作陽洛
維我制府大人。當仲華拜袞之年。總吉甫成師之命。
南陔眷戀。奉慈訓於北堂。九折馳驅。彰天威於萬里。
正効嵩呼。錫祉遐思。家慶延禧。鵲印懸腰。鎮百蠻而
宣忠孝。螭杯奉手。因三鳥而祝延長。某等大小從公。
邇遐思樂。躋聯珠琲。爭依南極福星。果伺琅玕共獻
西華阿母。碧雞金馬。交騰介景之輝。絳露蒼嵐。盡現
壽華之色。因彩雲之獻瑞。祝愛日以增曦。遠侑霞盃。
恭裁錦軸。遙想元君侍宴。齊披金薤之書。公子清歌。

難切
大夫人之
家法難聞
於禾中此
尤集中用
意文字

共奏岡陵之雅。延年天酒。頌自雲霄。益壽神芝。來經

月。融則福崇永錫。與國寵以咸休。慶喜維祺。共坤貞

而無極矣。韻府張顥為涼州山鵲飛翔化為圓石。顯

有此官也。海內記經。蛇巫之山。有人撚杯東向。立。一曰龜川。其南有三青鳥。為西王母取食。

誥封夫人嘉善朱母魏太君壽序。雲州牧朱錦昌之太夫人

時年八十

蓋聞瑞班北嶽。大夏原為主參。左傳遷寶沉於大夏

誥錫南真夫人由來姓魏。真誥魏夫人王比朱襄而

翊運皇佐。攸隆分姬緒而疏封大名。初啟守藩。則代

雲形勝。鍾地則吳越英靈。宜其星紀開躔。聯春暉於

朱万伯名
一飛字流
桐中舉人
起應官山
內布政使

斗廟金波流耀。揚淑采於瀛壖。暇因緣翟而翔輝福。

比金護而潤色。是固早承世緒。學仙契於參同。

仙傳東漢

魏伯陽著。共慶長生。會華存於陽滌者矣。恭惟朱

魏夫人。蓋魏塘明經諱某之女。而山西方伯浣桐公

之德配也。高祖忠節公大中望重。君厨名齊李杜。父

忠子孝。男才女貞。夫人擢秀蘭蕙。琢清冰段。奉明經

之教誡。受世父之聲詩。硯匣隨身。香奩在手。班惠姬

之史學。早擅閨通。鮑令暉之才情。尤稱清綺。是時方

伯公勝衣去地。握管凌雲。盡發楹下之書。益進竿頭

之步。蓋自尊先孝廉君。敬通齋志。管輅凋年。母夫人

補切

雅切

方伯師
先生

錢太君操稟餐茶恩勤畫荻思集文之有丁婦列女傳班
 昭所著賦頌銘誄問注哀辭書論上疏兼勤學之如
 遺令凡十六篇子婦丁氏為撰集之
 樂羊乃以巷接絲蘿里聯冠蓋前徽清貴朱武雅好
 張文世說張文朱繼體岐嶷魏昆儼均顧裔虞魏之
 武陸忠顧厚
 見顧陸連姻親於甲第識明淑於丁年自是郗傳遴
 之裔
 才遂向東牀而坦腹馬倫應聘將迎南郡以傳經列女傳
 汝南袁隗妻扶風馬融之女也名倫隗旋以樂令
 既以東京袁氏寵貴當時倫亦有名於世
 披雲清言畧談歲穴鮑生愛日歸來同挽鹿車卒之
 教成折角之朱雲薦因開衢之蔣詡矣先是尚書恭
 恪錢公方伯公之舅氏也門風既峻宅相斯成自是

奉韋逞之慈親。深明周禮。偶竇滔之淑婦。妙解新討。
善事君姑。旣常得其歡意。眷言冢婦。真不愧於名家。
已而方伯囊初脫穎。刃新發硎。適際熙朝。側席求賢。
天老銓材破格。推洛陽之才子。羣薦賈生。舉汝南之
孝廉。並徵黃憲。試諸繁劇。敷歷關秦。頻奉急宣。交馳
孔道。羽書芳午。玉佩呼庚。薛宣故饒吏才。尹賞能當
郡。湊軍儲治。辦公譙豐腴。修中饋而列圓方。款嘉賓
而周問遺。驛塵相接。翕稱鄭莊之廣交遊。坐客非常。
早識山公之有內助。自是官階益進。位望方隆。攬轡
京畿。分符楚晉。絲綸疊錫。岳牧方咨。早邀鳳詔之恩。

榮○彌○切○牛○衣○之○警○惕○夜○分○判○牘○問○停○筆○之○凝○思○日○永○
程○工○課○紡○磚○之○勤○力○雖○司○徒○貴○仕○薪○自○曳○於○夫○人○
良傳時司徒史以事到東海過候其家而良妻布裙曳柴從田中歸恢告曰我司徒史也故來受書欲見
夫人妻曰公○伯○聞○家○績○猶○効○於○內○主○不○是○過○也○若○其○
妾是也均○黃○籬○之○慈○愛○撫○碧○髧○之○聰○明○秋○水○凝○瞳○指○之○無○於○
早○歲○桃○花○礦○面○投○時○序○以○新○詞○名○製○半○得○之○口○傳○諸○
書○能○詳○於○耳○熟○治○家○則○師○儒○業○總○佐○政○則○屏○翰○功○存○
當○是○時○宣○化○河○汾○遠○人○盡○尊○朱○子○標○清○恆○霍○士○女○咸○
誦○唐○風○而○夫○人○念○檀○山○之○舊○塋○每○申○夙○慕○
李義山集忽○羅○風○水○壽○堂○攜○太○原○之○公○子○倏○爾○南○迴○卜○窀○穸○以○
北塚家樹傾頽

沉鬱壯
八家之勝
概

尚書論
妻妾之死
其妾之
為康

綏靈培松楸而志感失何國恩良渥方驅九折以
將滅天路尤亨正竚三遷而乍阻籍張湯之產更無
它贏漢張湯傳家產不過五百金皆所得奉賜更無它贏問貢禹之田已經前
醫田百畝以供車馬至京漢貢禹傳禹上書曰臣賣本為廉吏幾莫保其寢
邱封于後邱却賴仁妻尚能持其門戶織作因數椽
之傲薪水無一力之供爾淵明與子書念汝薪水為
自處怡然不聞咄爾草名鼠耳憶君子之羈離書緘
鯉魚慰征人以義命乃命才子前侍客居未放雞竿
俄驚鵬翮翩翩飛旄羣傷庾公之回粲粲銘旌遂定
黔婁之謚先大夫公忠許國無間徂存未亡人辛苦

持家何分夷險履絢親織供翟相之從師翼翟方進

京師受經毋憐其幼隨之大被重裁令孟仁之就學

長安織屨以給方進讀經吳志孟宗卽孟仁

毋作大被令從學至其占貫魚而均禮養雛鳳以舒

文獨出高梧乘朝陽而挺秀側生雙荔傍幽磻以呈

鮮累世不分薛苞之財一門常同繆彤之產篤恩慈

於羣從婚聚咸賴經營感付託於小郎紹衣爰令長

庶闡明大義導揚和風則又衣無常主兒無常母者

矣至於篤念周親樂賙貧乏飛蓬卷首世說王

藏更何藏之深也塵務經心江州夫訝同懷之限分

人語謝過曰汝何以都不復提筐發笥因上襜以言

進爲是塵務經心天分有限提筐發笥因上襜以言

故中成是
小石一作
汝事
朱君錦昌
字書蘭號
龍雨
廣容朱
經昌乃錢
香樹先生
之增龍
建崇泉使
烟家

歡

西京雜記飛燕女弟書曰倒度傾箱見故車而不

距

世說王右軍都夫人謂二弟司空曰王家人見

二謝傾筐倒皮兒故車來平平爾汝可無煩復往

其光榮伙助既如彼而篤厚留遺又若此宜其凝麻

集社垂裕增禧今雲州刺史畫圖先生投簡雕龍懸

旌畫隼孝廉船月江國羣重張憑循吏家風漢廷咸

推朱邑上舍某君今廣元茂宰候補司馬某君前奉

天府叅軍某君封胡比質羯末聯姿稱詩承謝太傅

之歡比兒得劉夫人之愛至於諸孫娟秀羣季英奇

競長筠萌挺龍頭之戢戢新垂桐乳揚鳳羽之暉暉

含飴則繡褓盈階揮杖則金魚委地左編過客與陳堯咨射無不讓

一技自名豈汝父之訓杖擊之金魚墜焉方刺史

之官滇海夫人追述薇垣教言每盡更籌訓辭因書

佩帶是以鳧飛乍駐駿譽俄騰世有吏名官譜羣稱

傅琰南史傅氏世此是君坐公望雅屬何充世說句

丞相許丞相指坐夫人以道阻微駟未作大家之賦

情殷封圉猶馳陶母之書世說陶公少時作魚梁吏

使反書蓋謂命滋益恭尤戒恩母深恃益知鄭善果

之最政房景伯之能官宣詔條者頌使君原慈訓者

歌壽母矣其等近因擁節雅同劉柳之官遠隔升堂

尚埃范張之約茲當荷花之令節共披薤葉之珍文

東海嚴家第祿將稱萬石西華王母延洪何解千齡

補註

嘉善石恭人壽序

引例即伏
含映之報

盡聞壽星爰昭聖瑞福曜實著徽柔故少室必鎮以
夫人南真用副夫司命所以調和元氣贊助新猷闔
櫛官風繡陌方隨二鹿歸昌發韻女牀並峙雙鸞馮
寶之守高涼曾藉英奇淑偶南史夫人先氏高涼人
初平陳嶺南共推先氏為主保境黃霸之官汝穎亦
拒守鼎峙至譙國夫人卒謚誠敬傳貞相賢妻漢黃霸傳霸少為陽夏游徽與善相人
富貴不然相書載錦繡而行春大蘇詩馮先古烈婦
不可用霸取之載錦繡而行春翁姐國於茲策勳梁

武後開府隋文時三世更險易一心無磷撫綏部落
緇錦繡平積亂犀渠破餘疑其廟在電白
張緹油而省俗課閱桑麻璽書褒誠敬之封史冊紀
休徵之美從來大人君子必享夫純禧偉業鴻勳半
由於內助殆如斯矣嘉善石恭人者今廣南太守莊
君之德配也蓋自對駮數馬世傳恭慎之遺王守英
蓉代發文章之麗先尊提刑公消蠹錦水清旣濯於
桃花疏狂少城明更同於玉鏡夫人早稱淑女守石
奮之家風爰嫁才郎事莊忌之夫子是時阿舅大叅
公東巡漲海駐旌赤礪之城西出玉門懸鉞蒼堆之
積雖復高門鼎貴依然素業永清省覲從官未奉胡

威之絹遠遊勸學。領剪樂羊之絲。蓋惟桓魋親提不
憂內顧。是以張船徑汎。大起英名。已而大叅公軍事。
煩煩西夷建唐蒙之節。官錢放散。東郡遭蕭傳之彈。
山切呼庚。歲當在巳。本爲清吏。并少成都之桑。况奉
明科。遂委奉誠之墅。於是太守提挈家累。放寄燕雲。
馬文淵將客而田。他鄉猶必衣冠奉嫂。後漢書馬援字文淵亡命
北地。轉游隴漢間。因處田牧。至有牛馬羊數千。鄧伯
頭穀數萬斛。乃盡以班昆弟故舊。又敬事寡嫂。鄧伯
道逢懼而奔南甸。不辭擔負提孤。晉書鄧攸字伯道永嘉之亂攸與妻
曰吾弟早卒。唯有遺民。今步萍梗。泛浮卒。賴水波之
擔。兩兒盡死。不如棄已兒。定骨肉團集差免同谷之歌則闔室履險能安者皆

頓首

初以教職
保舉知縣
兼縣陞松
桃同知

夫人持危善相也。自是東廡舉案慰梁鴻之別離。中
夜泣衣。增王章之忼慨。究之先生官冷。騎馬方類於
鄭虔。茂宰名高。種花旋同於潘岳。於是時也。扼偏橋
之重鎮。控金筑之雄司。冠蓋馳驅。輪蹄絡繹。逢迎賓
御。撫馭民番。由紫淵之飛鳧。晉松桃之司馬。旌揚谿
峒。陳立威懾。諸蠻帳叱山川。奢香功開絕徼。明初開
九驛吳
國。論詩帳中。坐叱山川。是知上虞仙令。湘媪助其成
走。詎謂奢香一婦人。能勾瀚賢侯鮑姑。從而施化。夫君公忠體國。內子中
正假家。其所由來者久矣。爾乃分麾黔北。移節滇南。
朝廷正獎賢能。詔命方增爵秩。而太守奉簡書之。

靡及念窀穸之未安遠想家風遙思世緒敢希嚴助
守郡終在家鄉翻似莊躋成功不離絕域麟符并剖
馬鬣誰封午夜傍徨朝軒徙倚夫人則以精明水薤
方來望切於君採擇松楸此去責歸於我別漏天而
東返沿湖海以適歸卜兆佳城妥靈厚夜兼續殯具
用賓祠田藏事既在於客冬報書爰來於遠道而太
守方承綸命遂綰金章則是孝義卽獲嘉徵祥和尤
邀後福昔袁母占墓享累葉之尊榮後漢袁安傳初
安父沒母使安
訪求葬地逢三書生問安何之安言其故乃應媼探
指其處云葬此地世爲上公須與化鶴去乃應媼探
封發滿門之才俊後漢應奉傳中興初有應媼者嗣
生四子而寡見神光照社試探嗣

霍靜軒
高明學
聖軒同官
皆默禱之
薦好此序
蓋代霍作
述叙真切
由知之深
也

茲桂蘭盈砌。簪笏充庭。方邀永錫之純。卽享無疆之
福。某等漫腰章綬。偕上彩雲之天。回首鄉關。本共枌
榆之社。聞令儀於夙昔。頌嘉祉於斯今。爰因家慶之
期。擬寄序言。以侑同官。炎微欣隨一路福星。遐想家
園。正到餘杭酒媪。

爲番禺李母樊太夫人壽序
夫人高明教諭李孝廉君王之母也
鰲官戴極祖瀛寰仙聖之居。鯨壑標樞。日月分老童
之守。北辰出地。低數度於層霄。南極涵波。起牛規於
漲海。離維鎮重。祝融開淳耀之宗。炎德洲遙。嘉植得
冬榮之氣。是以朝元路上。韓夫人曾賦蓮花。越并岡

頭鮑仙姑常行艾葉而況二禺遵迺八桂成陰詒錫

華存

岩名在上高要

華存兼南岳朱明之洞宮隨子穀近七星帝漿之臺
靈草自蓬島以浮來香雲駐蒼梧而不去儼環玉水
坐乎少廣之宮卽啟珍廚與於上元之宴惟年伯母
樊太夫人簪綬世族詩禮閨家得姓自於成周徵歌
登於大雅東京戚畹樊重開甲第於南陽北斗泰山
宗師得爲文於吏部卽高門之善教知內則之尤嫻
其歸某翁先生也鵲集傳音雞鳴戒旦詠風篇於宜
室占大吉於富家婉婉聽從勤勞內助鵲鋒斷錦假
成疋以陂辭蜨液添缸挑新燈而佐讀桓少君香奩

罷飾提水甕於前溪翟夫人柳宅同心醯春盤於下

洪昭明傳夫耕于前妻醯于後陶有下經營凌雜屏

當朝昏刀尺勤勞筐箱細密鳳蕉擘縷兼登升越之

機龍荔傾圓每寫筠籠之顆而先生賴如賓於冀缺

倚耕舌於賈逵趙壹空囊壘字但餘文籍孟光舉白

自賃春榆且以蘇婦之善藏佐孟公之豪飲解雜珮

以問知子飭精膳以款喜賓山巨源之妻窺墉而知

度勝王尙書之婦落髻而待筵開至於永言孝思終

身盡禮執曹氏之箕帚以能明女誠爲先念敬姜之

遺言以不見先翁姑爲憾身居冢婦常銜忌日之哀

古音
先後如
也

手攜小姑。不忘扶牀之愛。以小郎付新婦。曾無捉杖之嚴。爲長者延過賓。自泯頡頏之怨。一切婚娶之經。理先後之歡愉。鍾不自尊。郝不自貶。尤爲鄉里所難。以集門閭之慶。若万性成慈愛。德在精勤。賜給羣轄。解推空匱。王氏諸婢。寧教擔糞陶家一力。但使供薪。溫飽之均。果解之賜。親自分給。恆恤辛勤。雖感寧爵之歌。謠更貧殖傳。答信行。以裂餅按信行杜工部之。行修水寧爵母刁。答信行。以裂餅按信行杜工部之。簡有詩。不是過也。歐家效績。善在能勞。鮑婆識車貴。母忘賤。警小子以聰聽。述先業之艱難。雖瑣務而必親。迄髦年而不倦。是以庭前三鳳。競刷羽於高雲。掌

挑選就教
再寫得如
許麟閣

上雙珠各乘龍於早日。羣孫玉立芳緒蘭馨各懷夕
膳之欣總得含節之樂。况乎父書工讀母教尤親伏
勝遺經本口傳於弱女周公舊禮遂手授於佳兒宜
我瑩軒昆仲爭嚙燕津各矜龍轡蜚英聲於南海馳
妙譽於中原而當盛代之作養方隆昌時之遴才最
急瑩軒乃自公車待詔膺推轂於明廷仕版登名獲
奏言於玉陛鄭虔三絕爰尊博士之官唐詩記事虔
自寫其詩
書以獻於帝帝署其尾曰鄭崔駰富才未就邊隅之
虔三絕以虔為廣文館博士
長以當遠去不得意遂不為長岑長不屑魯恭之雉
後漢書崔駰字亭伯出為長岑長不屑魯恭之雉
陌用居楊震之鱣堂匡衡遠宦於平原但稱文學漢書

名言絡繹
奔赴晚下
總以大氣
聖之

衡射策以不應令除太韓福歸教於涿郡實近鄉閭
常掌故調補平原文學韓福歸教於涿郡實近鄉閭
遂奉潘岳之板輿來開文翁之石室下縣子弟從遊
者駢肩高第生徒問經者接踵而太夫人宿安恬淡
情怡苜蓿之盤切戒方嚴手墜金魚之杖左傳馮夫
人秦國公
陳省華妻也子丞相堯叟文惠公堯佐節度是以慈
使堯咨也堯咨守河南還杖之金魚墜於地是以慈
顏志喜惜老福於尊年才子承歡侍笑容於清暑紫
荆得地時因省觀而往來孫筍叅天每向春暉而羅
列一堂之上愉愉焉肅肅焉可不謂閭福之隆純嘏
之錫者與某駕笨車於山北托飛鳥於嶺南接阿戎
之清言識韓康之賢母交陶士行曾聞鬻髮之風比

范巨卿。屢劾升堂之拜。同官同譜。良切親情。如同如陵。敢申善祝。當泉心之初動。值梅蕊之纔舒。因八袞之方開。進五福之先頌。集羣材而製錦。授新簡以揮毫。竊惟太夫人養成令德。母而兼師。凝聚純禧。福而且壽。而瑩軒入親子舍。出啟師堂。立雪坐風。人致鼎比之敬。編蒲葺柳。羣敷瓊笈之文。茲時受業青衿。魚魚雅雅。同僚紳紱。鬲鬲皇皇。從容結珮。而栗階。以次奉觴。而上壽。可謂投頌合雅。彙儒者之深醇。移孝作忠。極人間之樂事矣。昔者採芹思樂。魯侯以壽母爲稱。給食相隨。翟相自經生而貴。胥泮林之往事。亦太

學之美譚。國家隆重。師儒甄陶。大化際普。天之同
慶。錫恩詔於諸臣太夫人。以教子有成。榮膺封典。
况瑩軒鸞棲暫寄。鵬運將搏。異時勞萬仞之青天。腰
兼綰之紫誥。以三公之祿養。追百福於古人。而某等
獲步後塵。同瞻盛事。期訂十年。再開宴起居八座太
夫人。行見澗底菖蒲。愈增密節。堂前簪笏。卽卜盈牀。
寶婺分躔。長懸暉於南紀。明珠照席。恆集社於慈帷
矣。

爲新安鄧母黃孺人壽序

新安縣屬
廣州府

鯨波鏡淨。星維發老壽之光。兔魄輪移。月殿搗長生。

之藥是以粉調雲母何仙姑躡蹻於羅浮艾映冰臺

葛夫人貽芬於粵井况乎寶安分邑珠媚名川新志

珠池在大步海山有瑞應漢王登封之地新安志聖山南場

為官富宋皇駐蹕之鄉宋行朝錄丁丑四月帝華蓋

凝空三妹披彩雲而坐石非烟出井七孃散香雨以

登壇新安志有七孃壇下有雲井天將雨則雲自井出惟

其靈異所鍾是以純禧最篤不獨烟樓錫類共稱文

相之子孫抑其粧石流芳咸推介福之王母新安志

丞相姪應麟子孫家于鳳凰岩明初為何真部將歲

荒建樓望無炊烟者賑之名望烟樓王母粧臺在大

鵬山洞王母梳粧于此

惟鄧母黃孺人者汝南賢裔江夏名家

貼切

早歲聰明解言初月佳容窈窕善寫如花乃以黃公
之愛謙爰挽鄧侯而結好某君家承高密當仲華拜
衮之年兆卜有媯應叔元乘龍之選於是玉人雙對
調鳳瑟於中帷雲從同歸和鸞聲於雅吹其如賓人
敬靜好之怡同已至矣先是某君錦田大族郡馬遺
榮遠祖某天室聯姻尚漢家之翁主海濱相宅啟裴
簪之孫枝遞傳而至厥考某早舉茂才最工詒燕一
經教子本鄧禹之家風四傑稱雄得顏延之文筆故
某君兄弟起家文學發跡明經韓氏重絲無非經緯
王家疊玉總是璫璣而孺人相夫子以無違視明星

而有爛故樂羊感懷於斷錦斯司馬壯志於題橋適
當聖朝宏選士之塗羣詰奮登庸之路例援破格
爵拜武功張廷尉減產爲郎乃躋顯仕黃丞相因貲
入仕遂作名臣則某君有待之遙程亦孺人內助之
願力矣當夫某君椿萱集慶棠棣孔懷東海京陵未
經分宅宣任宛孔且席多貲室滿嫺羅庶繁僮指此
其拊攜之力調護之功正有未易言者而孺人上得
翁姑之愛旁結妯娌之歡一室毫無間言下人胥爲
感悅是以田荆愈茂總無憔悴之容江魚自肥常進
甘鮮之饌兒無常母自通愛於共奴婢且能詩不聞

此篇另擬
格交筆
鈴璫真
不可測

可於擔糞素封臻盛和氣致祥三從教成二方望重
巖璫比翼交蜚太學之英郭賈齊名共作諸生之冠
斑斕繞砌茁雙笋於龍頭碧玉盈枝佇繁桐於鳳羽
茲隨陽月爰稱壽觴遠介一言用添三爵袞開八十
待頌花誥於仙雲果結三千恰布綺筵於愛日

從舅母周太孺人壽序

凝祥新治連理分建木之光

齊書五行志新治縣問
木連理今望江縣也

道雷池青林鬱蓬萊之秀

古詩問道雷池側又郭璞
江賦其旁則有雲夢雷池

丹漈吾鄉本爲德里分眷不少聞家然其炳江漢而

載英跋風雲而競爽則莫如外家之盛抑多由內助

另提一層
夢托極佳
第見一派
望靈之氣
龍光煥照
丁未進士
山中書
守太原府
臺通府龍
變已未宏
博由儒訓
中允插

之賢仁豈遠乎。吾能述也。恭惟周太孺人。早承華胄。
龍圖學士之家。望江志周周為宋龍圖學士周必尹後爰字名門。麟洲先
生之裔。元史龍仁夫學者麟洲先生邑龍其後也其歸我從舅某翁先生
也。鴻莊共對。燕婉攸宜。警內則之雞鳴。兆雅詩於熊
夢。其淑姿懿範。孝思清徽。固已彤管揚休。瑤章志美
矣。至其深閨遠識。遂閣良箴。當銅荷剪蠟之時。陳信賦銅
荷承淚。蠟鐵進玉杼。綃絲之誠。每語從舅云。君本因
宦族。宜振門風。往者司馬公。虎榜蜚聲。鳳池比翼。承
明厭處。出擁雙輪。晉水行春。曾兼六印。中允公高翔
翰苑。遂陟宮僚。依景曜於前星。沐恩波於幼海。迨茲

羣從咸有清才。比王謝之烏衣。並陳荀之德曜。君其
馳思迫峻。切警懷安。此夙聞教於翁姑。今敬陳於夫
子者也。於是先生感仲卿激昂之言。漢王童字仲卿初爲諸生學長
安疾臥牛衣中與妻決妻激厲之發王粲遠遊之興。訪阿兄於官署。
登大長之高臺。維時太守公宣化珠津。流聲香浦。共
姜肱之被。永夕言懽。資陸賈之裝。長安名動。先生片
得以執經太學。軼郭賈於東京。獻策清時。來嚴徐於
南國。方期小馮繼踵。兄弟英英。何意子敬同亡。人琴
寂寂。維時孺人軫未亡之極痛。培有後之丕基。拊擋
支持。經營完繕。一堂慈愛。子婦俱守。大家之言。累葉

結轉曲折
叙次分明

帶出蘇東坡
承祖鶴儕

清華兒孫聰聰祖考之訓外第某餌熊厲志倅鳳馳
思獨翫江沙望燕雲而振羽高翔壁水蒸藜火而受
書守阿母製被之言益親師友發先人置楹之籍自
奮功名是時文教覃敷集英奇於石閣聖人茂對
屬欽恤於金昆臨綠水之鄉邦雪黃沙之枉滯弟因
侍兄出使吾亦爲客來遊偶逢鴻瓜於雪中不竊鴈
聲於天上話及開梅之日時當設悅之辰歸進流霞
念深受日榮增製錦頌賴揮毫豸服傳觴感教成於
皇甫萊庭射埒因委重於陽元某宦拙爲郎才慙以
舅仰思辛杜有內外之門風曾共敷元叙中表之昆

弟萍波聚首藻露題襟。好慶宴於徐開。屬序言於宿
構。誼因至戚。頌不忘規。吾弟勉旃。淬才鋒於紫電。夫
人望爾邀仙。誥於青雲。附記甲午冬龍鶴柴陳蘇泉
默齋往彼遇資亭因為其太

孺人壽序不竊鶴聲
所以諱鶴柴亦微矣

漳州陳母連太君壽序

鯤池吐月。霜娥開合璧之宮。鯨壑連雲。水仙貫明珠
之珮。是以霞飛峻嶺。鳳顫蕉花香。燕重門。鶴盤榕葉
赤城纔遇。玉華曾號。元君白水初來。銀浦原稱素女。

嶺南雜記榕樹閩廣最多。年久常結伽楠香。茂之致
鶴。崔少元傳。少元年十八。歸於盧。陞陞從事閩中。道
過建溪。遠望武夷山。忽見碧雲自東峰來。中有神人
翠冠。緋裳。告陞曰。君妻卽玉華君也。林下詞選紹興
六

問道人携烏衣樵髻女子買斗酒獨飲女子歌詞以
循云朝元路同駕玉華君千乘載花紅一色人間途
指是祥雲迴望海光新或記之以問一道士道士驚
曰此赤城韓夫人所製水府蔡正君法駕導引也搜
神記謝端侯官人少無親屬恭謹自守得大螺如三
升壺貯甕中畜之每早至野還見戶中飯飲湯火如
有人爲者端心疑不知其故雞鳴出去平早歸潛於
籬外窺其家見女從甕中出至竈下燃火端便入門
女還甕不得曰我天漢中白水素女也天帝况平漳
哀卿少孤恭慎自守故使權相爲守舍炊烹
波碧映寶岳珠飛江注九龍潛珍剖月山鳴一鶴雲
石動風君子亭前闡修齊之教化夫人壇上憶開拓
之勤勞固宜淑德攸隆徽音克嗣者矣漳州志天寶
周百餘里宋時有明珠夜飛九龍江爲魚人所得又
九龍江水深碧時有寶珠光現又鶴鳴山相傳潛翁
修煉於此養一鷄時鳴山顛故名上有風動石高五
丈圍十八丈天生大盤石閣之風來則動又君子亭

爲文公建又太武山有夫人壇記云若夫舒芬望地
閩中未有生人時自夫人拓土以居若夫舒芬望地
孕秀華宗派衍貴卿支分仙裔陶鑄風聞於連叔哀
思不減於丁蘭代有家聲世嫻內則教旣成於鍾郝
好遂結於潘楊乃以淑人用偕君子則惟德星西見
族分東漢之光吾道南來家傳北溪之學如某翁者
是非紹遺經於舊構志切鸞鵬聘佳耦於高門兆徵
占鳳者歟氏族畧連出姜姓齊公族大夫連稱之後
左傳連稱爲卿氏箋連文通字可久能詩
後爲羽衣得道莊子肩吾問於連叔曰吾聞接輿之
言大而無當吾是以狂而不信也連叔曰吾聞接輿之
塵垢粃糠將猶陶鑄堯舜也氏箋連世瑜樂清人同
妻方氏事母至孝母死刻像奉之世說東海家內則
郝夫人之法京陵家內範鍾夫人之禮潘岳懷舊賦
序余十二而獲見于父友東武戴侯楊君始知名遂

申之以婚姻而道元公嗣亦隆世親之愛又楊仲武
誄潘楊之睦有自來矣世說陳太邱諸荀即陵于時
太史奏真人東行續晉陽秋陳仲弓從子姪造荀父
子于時德星聚太史奏五百里賢人聚一統志陳淳
字安卿龍溪人朱子守淳時淳遊門下朱子曰南來
吾道得一安卿無書不讀無物不格學者稱北溪先
生左傳嘉耦曰妃又懿氏卜妻敬太君稟靈源於孝
仲其妻占之曰吉是謂鳳凰于飛太君稟靈源於孝
子歸道學之名孫王夫人理解最優辭能屈客曹大
冢女箴素飭誠足師人弋鴈陳詩每切視星之警離
鸞動操旋饒晝荻之情晉書王凝之妻謝道韞獻之
小郎解圍乃施青綾步障自蔽申前議客不能屈又
有濟尼者曰王夫人神情散朗故有林下風氣後漢
列女傳扶風曹世叔妻者同郡班彪之女也名昭字
惠姬一名姬博學高才帝數召入宮令皇后諸貴人
師事焉號曰大家每有貢獻輒辛苦自持艱難彌履
詔大家作賦頌作女誠七章

恰是閨風

國平六三

霜沾織杼。光凝柿蒂之綾。月映紡磚彩徹。焦絲之繭。

勤於居室。吉惟富家。柔順能承坤原主利。盈寧有慶。

節以安享。珠女聯璫。動金波於春渚。木奴成隊。燦火。

齊於秋山。夢梁錄杭產綾曰柿蒂狗脚吳都賦蕉葛升越弱於羅紈說文璫珠百枚也唐韻音

非今俗呼一。排兩排則此字自有平上去三聲也。吳

都賦剖巨蚌於回淵。濯明月於漣漪。襄陽記李衡密

造十人於武陵龍陽洲上。作宅種甘千樹。臨死勅兒

曰。吾州里有千頭木奴。不責汝衣食。歲上一疋絹。亦

足用矣。卽荷甘成歲得絹數千疋。後漢傳註火齊雖

珠也。字典火齊似雲母重疊而開。色黃赤如金。雖

屬素封。實能幅利。位內餘肅雍之德。教家厯敦睦之

懷。瓜子滿瓶。分金蹠而調桑梓。桃花溢國。傾玉粒而

贍蔦蘿。恆隆任卹之風。益養和平之福。史貨殖傳千

金之家比一

閩俗卽尊
壽星雖父
母及祖父
母已沒亦
爲親慶
賀如平生

都之君巨萬者乃與王者同樂豈所謂素封者傳民生厚而用利於是乎正德以幅之使無黜嫚謂
之幅利宋元綱目趙普爲政頗專吳越遣使致海物
十瓶啟之皆瓜子金也漢武紀詔改故名更黃金爲
麟趾褒號以協瑞焉壽星鎮見堂前松栢獨榮陰雨
南史淫桃花米名暗滋砌下芝蘭齊茂一莖男草獨秀春林六出孫枝
爭榮露曉曾元競起視元愷之數更浮似續重輝仰
燕翼之謀無盡丹椒式繁於衍沃彤管共切於報劉
星經老人一星在於南明大則人有壽李義山啟散
藻摘華文星鎮見風土記宜男草一名鹿慈宜懷妊
婦人佩之必生男子韓詩外傳草木花多五順孫陳
出雪花獨六出琴賦乃斲孫枝淮量所在
君某跋履海邦來遊江介醇如周酒咸飲和光眞卽
羊筵齊推雅量念前徽之宜闡俾後禩之毋忘請舉

此篇亦追
壽之禪詞
也

芳儀用標錦帙

後漢虞詡傳養祖母孝舉為順孫

光同其塵羊曼別傳曼字延祖頽縱宏任與阮放等

號八達世說羊曼拜母陽尹客來蚤者並得佳設日

宴漸罄不復及精隨客早某才慙劉向難成列女之

晚不問貴賤時論曼真率

篇志慕鍾惺愛著名媛之蹟敬陳俚語是發幽光

元王傳王元子富富子辟疆疆子德德子向向字子

政向暗俗彌奢淫故採取詩書所載賢妃貞婦與國

顯家可法則及孽嬖亂亡者序次為列女傳凡八篇

安陸志鍾惺字伯敬景陵人論詩別出手眼求絕時

俗撰名媛詩

歸數十卷

昔季婦勤勞見稱宣聖已清饒給致禮

嬴皇矧福德永綿薨詵競爽自必驥銜馳轡鳳喙

書勒行實於史乘致光榮於皐壤庶幾螭文屹立與

丹霞之嶼比崇雋篆高騫共澤露之亭不朽矣

魯語仲尼

聞之曰弟子誌之季氏之婦不淫矣史貨雜傳巴蜀
寡婦清其先得丹穴而擅其利數世家亦不訾情寡
婦也能守其業用財自衛不見侵犯秦皇帝以爲貞
婦而客之爲策女懷清臺括地志寡婦清臺山俗名
貞女山在涪州永安縣東北七十里漳州志丹霞嶼
類要云嶼石朝色如丹晚色如霞澤露亭在府城中

潛山陳母石孺人壽序

天分斗曜。發彩獨近。瑤光地副。衡維壽輝。必聯朱鳥。
故胥陵聞於鴻洞。世著皇風。南嶽鎮以夫人蹟。登仙
籙。况復節並皖山之峻。操同潛水之清。宜其福峙松
垣。誇濃陰於五粒。慶種蘭晚。看競秀於雙岐。豈直瑟
冷湘江。風斷神娥之曲。蓮標太華。雲凝玉女之峰。已
哉。晉天文志廬江入斗六度星經須女一名婺女淮
南子瑤光者資糧萬物者也注瑤光和氣之先見

秀獨竊記

兩面俱到

名也安慶志黃帝封潛山爲衡嶽之副邢疏霍山在
潛縣西南別名天柱漢武以衡山遼曠移其神於此
南岳夫人豐魏夫人名華存字賢安幼而好道志慕
神仙年廿四適南陽劉文生二子乃離隔宇室齋於
別寢誦經積十六年頗如少女白日升天位爲紫虛
元君願上與司命南岳夫人比秩仙翁使治天台大
霍山洞臺安慶志皖山一名皖公山皖伯始封於此
郭璞注天柱山潛水所出酉陽雜俎松今言兩粒五
粒粒常爲鬣成式修竹里私第大堂前有五鬣松兩
根大則如椀甲子年結實味如南詔新羅者不別集
山錄明星玉女者居華山服玉漿白日升天山頂石
龜其廣數畝高三仞其側有梯磴遠皆見玉女祠前
有五石臼號曰玉女洗頭盆其中有水色碧綠澄
澈雨不加溢旱不減耗內有玉石馬一匹焉孺人
純質月明絮吟風遠家傳萬石彩生黻綬之光城滿
千花香入芙蓉之夢以名門之淑女爲望族之良媛
敬仲婚齊彩鳳紛飛於天上元方居穎德星鎮見於

雲間配佳耦而嗣徽音荇芳濟美入義門而承令緒

桃葉宜家夜織丹縑瘖寸絲於十指朝陪鴻案齊八

字於雙眉漢萬石君傳萬石君名奮恭謹無與比長子建次甲次乙次慶皆以馴行孝謹官至

二千石於是景帝曰石君及四子皆二千石人臣尊

寵乃舉集其門凡號為萬石君後漢陳寔博六子紀

誌最賢紀字元方亦以至德稱兄弟孝義閨門雍和

後進之士皆推慕其風宋史陳競江州人唐僖宗時

已六世同居累旌曰義門後漢王丹傳同郡陳遵大俠

也其友人喪親遵為護喪事助其豐丹乃懷練一

匹陳之主人前口如丹此緣出自機杼遵聞而慙又

列女傳樂羊子遠尋師學一年來歸妻乃引刀趨機

而言曰此織生自蠶繭來於機杼一絲而累以至於

寸累寸不已至於丈匹今若斷斯織也則捐失成功

稽廢時日夫子積學當日知其所以就懿德若中

道而歸何異斷斯織乎羊子感其言復還終業說文

絲織絹以絲貫杼也又逸民傳梁鴻妻椎髻布衣操

作而前鴻大喜字之曰德耀孟光共至吳依大家

息

伯遠是庶下爲人質春每歸妻爲具食不敢於鴻前
仰視舉案齊眉季義山詩壽陽公主嫁時粧八字宮
眉捧黃弋鳬之願方宜悲鵲之歌太愴靡他其死如不
欲生白首不同逝者之痛何極黃泉可殉藐諸所托
伊誰伯仲方在孩提弱孤未離襁褓艱難撫育辛苦
支持常存九死之心不忘三遷之教劉向列女傳魯
寡陶嬰者魯門
之女也少寡養幼孤無強兄弟紡績爲產魯人或聞
其義將求焉嬰聞之恐不得免作歌明已之不更二
也曰悲夫黃鵠之早寡兮七年不雙宛頸鵲生待哺
獨宿兮不與衆同楚詞雖九死其猶未悔鵲生待哺
漸軒翥於鵲羣笋茁當萌得長成於龍角刈薪數米
當年勤苦難言畫荻和丸此日教成良美爾雅生哺
鵲生哺
注鵲鳥子須母食之雛能自食晉書嵇紹始入洛或
謂王戎曰昨於稠人中始見嵇紹昂然如野鶴之
立

雞羣鄭注孫竹竹根之末生者韓詩外傳孔子出遊
少原之野有婦人中澤而哭其音甚哀使弟子問焉
婦人曰向者刈薪亡吾簪簪是以哀非傷長君從
亡簪蓋不忘故也莊子簡髮而櫛數米而炊容雅昶
嘗調伯氏之壻仲叔英發飛騰克繼前人之
武恪遵母訓能讀父書俱承萱席之歡各啟榴房之
慶堂前戲綵樹繞珠三簾內含飴環聯璧七孟郊詩萱草集
堂階遊子行天涯慈親倚堂門不見萱草花北史齊
德安王延宗納李祖收女女母宋氏薦二石榴石榴
房中多子故子孫衆多高士傳老萊子楚人也年七
十衣五綵衣為嬰戲俞俞於父母前唐畫王勃與兄
劇勳皆著才名故杜易簡稱為三珠樹後漢書含飴
弄孫韓文璠環瑜珥稱其家兒種離意別傳意為魯
相出私錢十萬三千文修夫子廟男漸徵老福應卜
子張伯除堂下草土中得玉璧七枚
遐齡乃逢悅辰將登壽酒八琅璈響有仙醞於華堂

九節蒲香薰流杯於花席靈飛璫簡驕白鶴以邀上
元寶曜琳函顧青帟而揖金母一門稱慶闔室傳觴

節並共姜教成陶母宜揚休於彤管將佇側於華旌

漢武內傳王母自設天厨清宵之酒非地上所有香

氣殊絕觴數行乃命侍女王子登彈八琅之璫集韻

璫樂器神仙傳漢武上嵩山使董仲舒東方朔齊潔

思神見仙人長二丈帝禮而問之仙人曰吾九嶷之

神也聞中嶽石上萑蒲一寸九節服之長生故來採

耳杜陽編元藏幾達滄洲人出萑蒲花酒飲之神氣

清爽漢武內傳上元夫人曰昔蒙倒景君無常先生

二君傳靈飛之符約以四千年一傳女授女不授男

爰受書以來并賢大女郎抱蘭凡傳六十八女子固

不可授男也太平廣記上元夫人道君弟子也總攝

正籍亞於龜臺金母所降之庭多使侍女相聞已為

賓侶焉母降漢宮乃命侍女郭密香邀夫人同宴集

仙錄王子登清齋三月王母授以瓊華寶曜七晨素

經漢武內傳封以華琳之函璽以蘭蘭之帛仙傳拾

仙對小集 卷之七 石亭 后

遺著青裙入天門。揖金母。拜木公。集仙錄。西華至妙之氣。而生金母。金母生於神州。伊川厥姓侯氏。詩序。相舟共姜。自誓也。爾侃別傳。母湛氏。賢明有法訓。侃在武昌。常有飲限。或樽少。進淒然曰。少有酒失。二親見約。故不在高行之淑懿。且名顯諸侯。以令女之艱。貞亦聲施後世。矧其甘由大苦。老賴寧馨。自必風翮蜚英。雲衢躍彩。東征逐子。花封之養。堪期北望。依辰錦軸之榮。旋賁庶有以徵。休嘉於永世。壽考維祺。固不僅維風教於一鄉。令聞不墜云爾。儀禮通解。梁寡婦也。其為人榮於色而美於行。梁王聞之。使相聘焉。高行乃援鏡持刃以割其鼻。曰。妾已刑矣。所以不死者。不忍幼弱之重孤也。於是相以報王。大其義而高其行。乃復其身。尊其號曰高行。列女傳。爽從弟文淑妻。夏侯令女。家欲嫁之。以刀截兩耳。及爽被誅。奴上書與曹絕婚。迎令女歸。使人誡之。令女竊入寢室。以

刀。黃蘗也。其時極苦。故謂大苦。注今甘草也。沈括筆談郭注乃反。語見意無念念也。無寧寧也。無顯顯也。不承承也。甘莖為苦莖。甘草為大苦。邢疏所謂語倒者。取義始猶此矣。晉書何物老嫗生此寧馨兒。通進寧馨馨。此呼諸辭今讀能寧亦云。那向有平去二音。可平可仄。古人多假借字也。曹大家集子穀為陳留長大。家隨至官作東征賦。

固始萬母王孺人壽序

代閩漢州作

菊圃飛英。纔落黃城。細雨蒲牢。震乳。灝。霏。藍。驛。元。霜。彩映階。奠金。収七葉。香傾甕。桂玉溢千觴。逢花甲之。初周際。峴辰於方近。蓉池風老。藕雪連盤。蛤海波澄。蠙珠遶席。為福人而集祉。祝壽母以延禧。豈直陽滌。登山聽四真之妍唱。峴陵向闕。聞八會之仙音而已。

陽綠真仙
通鑑作陽
洛云王子
登隱陽洛
山中

哉更正志菊譜後序花有落者有不落者王介甫詩
戲曰秋花不比春花落為報詩人仔細看介甫聞之
笑曰歐陽九不學之遇也豈不見楚詞云夕餐秋菊
之落英予謂歐王二公文章擅一世而左右佩紉彼
此相笑豈非於草木之名猶未盡識而不知有落不
落者耶采牧仲筠廟偶筆余寓黃數栽種菊最多不
見落地惟盆中紫菊纔落數瓣耳東都賦注蒲牢海
中獸名素長鯨魚鯨魚擊蒲牢輒大鳴呼故鍾作蒲
牢於其上陳明卿考功記譚象間有鐘乳夾鼓與舞
可以枚數故謂之枚仲山經豐山有九鐘焉是知霜
鳴霜降則鐘鳴故言知也南岳夫人傳太極真人安
度明東華大神方諸司童扶桑碧阿陽谷神王景林
真人小有仙女清虛真人王褒來降謂夫人後日
會陽縣山中於是四真吟唱各命玉女彈琴擊鐘吹
簫合節而發歌太極真人發排空之歌青童吟太霞
之曲神王諷神唐之章清虛詠駕騁之詞西王母傳
所居宮闕軒砌之下植以白環之樹丹剛之林空青
萬條瑤幹千尋無風而神籟自韻琅琅然九奏八會
之音也凡得道而授書者皆朝王母於岷陵之闕焉

夫人奕世名宗。六朝鼎族。秦淮笙派。第聯朱雀之航。

江灌移支。居近紅蓮之浦。人皆有集。標舉猶存。女亦

知書。徽音克嗣。鸞名早慕。俄延寶釵之車。蠶髮初齊。

卽結芳蘭之珮。余澹心板橋雜記中。山東花園。亘其前。秦淮朱雀桁。遠其後。褚先生畫。

龜在江南。嘉林中。巢於芳蓮之上。永經注。灌水導源。

廬江金蘭縣西北。東陵鄉。大蘇山俗謂澹水。褚先生

所謂神龜。出於江灌之間。嘉林之中。蓋謂此水也。朱

幾今龜焚傳云。神龜出江淮之間。此注作江灌。蓋所

見之木異耳。詩云。孔疏。卷曲其髮。年十八歸於萬君。某

未如蠶之尾。言其容儀有注也。星閣曜。尙傳遺畫輝煌。壁水聞鐘。鴻將特翥。錦屏調

瑟。鸞正雙棲。機拭金刀。日感成端之疋。簾垂銀蒜。夜

國照帙之燈

萬氏族畧萬姬姓晉大夫畢萬之後後漢

侯子晉嗣

從泣氏侯卒子親徙扶柳侯永初七年紹

封修曾孫

豐曲平桓帝紹封修元孫恭門德更列傳

退而與萬

章之徒著孟子七篇宋雜事詩鐸雨鳧雲

天際昏誰

從配食憶魚門七篇幸不亡金鏡敕付東

朝細討論

陸機文賦激六藝之芳潤後漢朱祐等傳

承平中顯

宗追感前世功臣乃圖畫二十八將於南

宮雲臺其

外又有王常李通竇融卓茂合三十載

二人故依

其本第係之篇末以志功臣之次

齊眉三霄

鍛羽姑盈白髮子託黃羅紵堂上之悲哀

勞閨中之

鞠育雞鳴鸞漱早待歡顏熊教辛勤時分

苦劑竈觚

修膳頻傳書荻之書砌齒勝衣彌洗弄館

之眼。下慈

上孝內肅外嚴罔聞出柙之言良得正家

之道。

天祿識餘黃羅乳母之衣也宋明帝寢疾召逮

褚淵入見流涕曰吾近危篤呂卿著羅耳逮

至薦捲增感歛。獨無從經營。必述先姑勞。貫全歸家。婦勝喪合禮。卜吉符經。仙收違顏。誰築桂陽之墓。星娥瘠指。獨封千乘之墳。固不獨臺建懷清。鄉稱孝養矣。丙則歛簾而獨之。爾雅舅姑在。則曰君舅君姑。沒以仁孝。聞家貧。牧羊與里中。小兒。更日爲牛。郎數歲之後。跪白母曰。受命當仙。當違色。養言畢。卽出。聳身入雲。母年百餘歲。無疾而終。鄉人共葬之。如世人之禮。葬後。忽見州東北牛脾山。紫雲蓋上有號哭之聲。咸知蘇君之神也。授神記。董永千乘人。父亡。無以葬。乃自賣爲奴。永行三年。喪畢。欲還詣主。供其奴職。道逢一婦人。曰。願爲子妻。遂與之俱。主謂永曰。但令君婦爲我織。織百匹。於是永妻爲主。人織百匹。具焉。爾乃雲雛振翰。霜籜抽筠。無憂子穀之謀。漸慶孫枝之長。一通各爲女守。誠以無忘諸集威哀。媳承歡而

涉與轉出
於言展文
遂便爾况
鬱

曹大家集

卷之七

序

三

不逆。曹大家女誠序。吾性疏頑。教導無數。恆恐子穀
所望也。男能自謀矣。吾不復以爲憂也。按大家子曹
成字子穀。封關內侯。官至齊相。三輔決錄云。司徒掾
察孝廉。徵拜中散大夫。女誠。序諸女。方當適人。而不
漸訓誨。不聞婦禮。慙失容他門。取恥宗族。問作女誠
七章。願諸女多寫一通。庶有補益。裨助汝身去矣。其
最勉之。後漢列女傳。曹大家所著。賦頌銘誄。問注哀
辭。書論上疏。遺令凡十六篇。子婦燕詒。無不鶴算原
丁氏爲撰集之。又作大家讚焉。燕詒無不鶴算原
長序。屬三秋。旬當下澣。壽筵初啟。樂酒咸陳。賡雅進
方至之辭。誦詩得具來之戚。羞董饋棗。序立東西。弄
藥爭花。紛馳左右。兒啼婦笑。戶擁門盈。而回憶夫簾
月。早霜篝燈。暮雨梭拋。隻影染落。縷於鮫紋。斗慰新
裁。對扶牀之鵲角。長更密點。獨息單丁。景況曾幾何。

時風光終有。此日是知壁蓮鬻苦自得甘存。握律吹
寒徐逢暖至。固宜激揚末俗。維持風教之隆。寧但矜

詡純禧。鋪寫賓筵之盛。內則聚栗飴蜜以甘之。董萱

用董愛用葦按董今早芹也亦可讀為芹李義山文

自爾沒後任輩數人竹馬玉環繡襦文祿堂前墻下

日裏風中弄藥爭花紛吾左右獨爾精誠不知所之

世說韓康伯數歲家酷貧至六寒止得襦母殷夫人

自成之令康伯捉熨斗謂康伯曰且簪襦尋作嬋兒

云已足不須復幃也母問其故答曰火在熨斗中而

柄熟今既箸襦下亦當熨故不須耳母甚異之知為

國器舌樂府新婦初來時小姑始扶牀留青日北宋

淳熙中剝削童髮必留大錢許頂左右束以綵繪宛

若博焦之狀曰鵲角儀禮注兒生三月剪髮為髮男

角女鵲否則男左女右長大猶為飾竹存之所以順

父母幼小之心戶子用姑息之語註息小兒也蘇文

女戶單丁天民之窮者讀曲歌種蓮長江邊藕生黃

葉浦必得蓮子時流離經辛苦爾雅荷芙渠其實蓮

綴處叙
得委曲分
明

其根藕其中心的中意注中心苦
某羅姻曾託栢節

尤欽作配小郎本屬鮑昭之妹得親長姒備聞鍾琰

之賢蓋成宅之諸甥即興宗之猶子述芳型者最悉

稱懿範也斯詳竊惟太史成書久受龍門顧託諸侯

作牧曾憑熊軾驅馳汗簡勤披闡幽為貴詔條虔

奉褒善無遺矧當戚懿之兼何惜表揚之及揮茲彤

管寫彼丹綾以見國家累洽重熙閨秀咸知禮法

以著鄉閭遺風舊俗闡儀尚有典型云爾詩品齊鮑

往往新絕清巧凝古尤勝唯百願淫矣昭常答孝武

云臣妹才自亞於左芬臣才不及太冲爾世說王司

雅相親重鍾也太傳曾孫亦有俊才女德鍾郝為姊姒

雅相親重鍾不以貴陵郝郝亦不以賤下鍾按世說

恰好領起

姑婦雙節
雙壽以駢
體行類為
費力而篇
中分合照
應一以時
文割截題
之法回環
映帶曾次
分明默照
本工於時
文而施之

汪夫人黃門侍郎鍾琰女而晉書列女傳云王渾妻
鍾氏字琰父名徵則互異晉書魏舒少孤為外家所
氏所養寧氏起宅相者曰合出貴甥舒曰吾當為外
成此宅相禮兄弟之子猶子也李義山集熊執郎城
忽然通貴又為安平公主
表虔奉詔條克宣戎律

太湖張太母強孺人暨張母嚴孺人壽序

八道靈書南嶽兒郎並雋九杼仙奕西川姑嬭同歡

魏夫人傳王君命侍女披雲韞開玉笈出太上寶文
靈書八道手授夫人焉位為紫虛元君領上真司命
南岳夫人子璞後至侍中夫人令璞傳法於舍人揚
義長史許穆璞弟選為太尉從事中郎將集異記玄
宗南狩翰林善弈者王積薪從焉蜀道狹隘寓宿孤
姥之家但有姑婦忽聞圍碁遲明具衣冠請問姥謂
婦曰是子可教以常勢耳婦指示甚畧姥笑曰止此
亦無敵於人間矣積薪虔謝而別再詣則失向來之
室閭矣自是積薪藝絕倫然較九阿母池桃花方結
杼之勝終不得也互詳舉節孝註

此篇又作
義獲猶亦
咄咄怪事

此叙其始
強氏

子霜娥月桂枝漸名孫漢武內傳夫人曰阿母迂天
母以玉盤盛仙桃七顆大如鴨卵形圓青色帝欲種
之母曰此桃三千年一生實中夏地薄種之不生帝
乃止月桂見菱湖賦福叙疇添書壽因朋至詩亦惟
琴賦乃翻孫枝云
挺貞蕤于幽谷雅引無慙聳勁葉於澄霄徽音克嗣
音振幽谷之貞蕤無慙雅引是以彤管標乎兩世清
芬集於一門鄭箋彤管筆赤管也毛傳古者后夫人
芬靡月映金壇各奏夫人之曲口高琪樹微吟少女
之風真誥九華安妃與紫微王夫人降金壇楊義家
安妃昭靈夫人方諸青童君紫元夫人太邑張母強
各有詩歌天台賦琪樹璀璨而垂珠
太君者炎析遙支姜分貴姓路史炎帝長於姜水成
為姜姓又太公封齊後

月強氏潘夫真人符讖雲臺爭諸將之先後漢書光武先在

安時同舍生疆華作強華讀平聲伏符按疆同強廣韻

字典俱引疆華作強華讀平聲惟漢書註讀其兩反

為異雲臺詳祠部文章蕊榜啟三明之盛經籍考強

杭強至幾聖撰會南豐祠部集序幾聖工詩語出驚

人為韓魏公所知魏公每上奏為屈草必聲比字順

此一統志強至錢唐人終祠部郎平贈金紫光祿大

夫子浚明淵明陟明皆登進士淵明歷蓋其望崇天

禮部尚書翰林承旨終資政殿學士

水家本燕湖氏族登強望相攸皖國之名區韓侯樂

土國名記皖伯爵漢為侯三國志皖來事清河之公

子張宿根天民族畧張望清河註天上張公子鬼

月開弦鸞膠再續庚信賦兔月將上羊燈次安鹿葱

千洲記以鳳喙膠續斷弦

鹿葱

紉帶鳳羽雙新萱草一名宜永期偕老之歡詩俄軫

未亡之慟左於未亡几筵排雁人嗟鄭表賢妻晉書鄭表

妻曹氏薛人也表先妻孫氏早亡嫗之為繼室初孫

氏疾於黎陽及表議者欲不合葬曹氏曰孫氏元配

理當從葬於是備儀迎之具衣衾几筵親執雁行臺

之禮聞者嘆息以為趙姬之下叔隗不足稱也

榭凌雲國重巴清寡婦註見漳膠東庶下曾授韋逞

以周官晉書韋逞母宋氏幼喪母父自養之授以周

東富人程安壽宋氏晝則樵採夜則教逞雒縣堂前

逞仕符堅為太常庶下註見潛山陳壽序雒縣堂前

能成日新於太學宋史陳堂前漢州維縣人王氏女

猶私家尊其母也年十八歸同郡陳安節歲餘夫卒

舅姑已老生事藉陳一身舅姑曰吾子不亡矣訓子

日新有成況復榆錢匝地萬行營實父之精思乾撰

入大學

輿落脉細
折人其始
嚴氏

嚴氏切

風竇父有端木遠志五月長安盛飛榆莢掃得斛餘
寄襄義寺院開隙地布焚其中遇夏雨滋長及秋已
尺餘矣後五年鬻橘帛盈洲六倍踰李衡之存日
之得三四餘萬錢
漳州健持門戶猶勝丈夫
戶亦勝一丈夫
慶衍堂
基能詒孫子詩爾乃雲高鐵嶂笑看霞幄之曾孫
與族人書月令鴛機舊對流黃之中婦
繼流黃則
及追薦文月令鴛機舊對流黃之中婦
有如嚴孺人者蓋太君之次媳也教因令德來配次
公本京兆之家風嚴多字憲
晉書杜有道妻嚴氏字
年十八而娶子植女韓並孤貌撫育傳長安之權梳
二子教以禮度植度植遠顯名於一時
張工畫眉
漢張敞傳為婦畫眉長安中傳張京兆眉
撫劉禹錫詩容顏本南國權梳學西京梳
東阿姑憐兒婦之雙佳太息望夫君而不見
唐繼佳

謂有遺腹

登吳瑄肩
委面叙明
而照應信
顧自成道
法

半總結

羣芳列集

卷之七

五月

三

一以付卿楚詞扶牀小女纔簇牙魚扶牀註見固始

冠飾者率為物象鱗一角而兩足鳥翼而覆露遺孤

方懷玉燕國語注覆露遺腹子也類要張燕公遭艱

難而自矢終孝養以靡他詩敬事兄公同財聽經營

於家督爾雅大之兄為兄善承長姒敦睦尤慰藉於

君姑左傳長叔姒生男爾雅風拉蘭嘖最幸鶴胎有

子國策折清風而拉矣唐詩終古蘭霜嚴嶰谷漸看

鳳鐸添孫漢書取竹之嶰谷蘇日弄日飴下篤恩勤

於鞠閨詩時攜文葆上承色笑於霜慈更衣之苦節

再禩為隆繁禧一堂最盛茲者悅長爰及絲障同開

細叙二
分明
斤一子一
文七孫二
門稱詞語
既妙

晉書紫鶴髮中筵姑將紀惠班之算後漢書班昭字惠有節行法度
終步障弟數召入宮令皇后素服舉哀使者監護葬事鳩筇
年七十餘卒皇太后素服舉哀使者監護葬事鳩筇
側坐媳還哺令伯之孩季密陳情表祖母躬於斯時
也臨汝花姑彈璫獻衽魏夫人傳夫人於臨汝水西
黃靈徽年八十貌若嬰孩號為花姑後亦昇餘杭酒
天又時太極真人命宋聯清彈九氣之雲破餘杭酒
媼弄盞翻衣註見親懿盈庭輝光繞席兒存子穀能
解北堂之憂詩序註始女字羅敷兼得元都之偶神仙
真夫人王母之小女名婉字綵衣咸長共聯七點星
羅敷事元都太真玉有子綵衣咸長共聯七點星
光茨稼初歌已獲雙圓珠星志北斗七星詩曾孫
見霞樂同獻銀蒜深垂許碯詩拍詛王母九乃以續
霞傷銀蒜見鄭序註

備有知許
事如人物
供事點染

月長庚昔作張夷嘉耦東方朔別傳朔父張氏名夷
顏若童子朔生三日而田氏死隣母拾朔養之東方
如明因以姓焉朔以元封中遊鴻濛之澤忽遇母採
桑於白海之濱俄而有黃眉翁指母以語朔曰昔為
我妻託形為太白白之精今汝亦此星之精也吾却食
吞氣已九千餘年中瞳子皆有青光能見幽隱之
物三千年一返骨洗髓二千年剥皮伐毛吾生來已
三洗髓五伐毛矣星名太白採桑白海今攜曼倩細
亦曰長庚左傳嘉耦曰妃採桑白海今攜曼倩細
君採桑註見上漢書東方朔字曼倩平原厭次人為
拔劍割肉先歸太官奏之朔入上曰先生起自責也
朔曰受賜不待詔何無禮也拔劍割肉壹何壯也割
之不多又何廉也歸遺細君顏師古曰細君朔妻之名一
一石肉百斤歸遺細君顏師古曰細君朔妻之名一
說細小也說白比於節操則姑媳相同生辰亦後先
諸侯謂其妻曰小君節操則姑媳相同生辰亦後先
適會用姑息之說史擇日作生辰戴侯嘉眷既

隨潘騎省而奉板輿。潘岳懷舊賦予總角而獲見承戴侯之清塵名余以國士眷予
以嘉姻誼楊肇封東武伯謚曰戴女適潘岳秋興賦序寓直散騎之省閒居賦太夫人乃御板輿乘輕軒會稽居婺况並郗夫人而稱壽酒。晉書王凝之妻謝道韞聰識有才辨遭孫恩之難夫及諸子為賊所害自爾娶居會稽家中莫不嚴肅匪說王右軍郗夫人謂二弟曰見故車來平爾按夫鄉黨傳為盛事錦繡寫其駢詞峻節人道韞之姑也雙標可入周篇而騰茂高情迥秀宜聯魯冊以飛華。晉書高情獨秀魯冊飛華峻節孤標周篇騰茂未拜酌以登堂爰騁妍而授簡。

同社鄭伯母陳太夫人壽序

若夫天池積天柱之源南嶽為南真所主是以峰傳

鄭松屋居
南岳下天
柱一掌周
遭常有之
豈以種茶
可謂直矣
柱山人他
家不能爭
也

毛女常開益壽之花嶺號金仙自種恆春之樹山鍾

秀矣地炳靈焉世有休光縹緲多老福亦由春暉慈煦

萬年瑞穗增榮煦颺和吹九子輕鈴動韻德儲厚祉

散錫純熙豈直夙濯星池註瓊編於斗母高尋玉鏡

映丹籍於元君而已方輿記天柱峯在潛山縣上有

呼為南真安慶志潛山古南嶽上有毛女峯金仙嶺

爾雅補註穗卽萬年枝李義山詩猶自風搖九子鈴

二統志瀟嶽上有惟伯母陳太夫人蓋鄭公樸齋先

生之德配同社瀝川松崖明經之賢母也粵自太史

星占名門風淑厥考則望隆太學稱君必首陳蕃阿

兄則郡舉孝廉取友諸遺陳重太史註詳漳州序稱

君見陳君傳序註取

父見庚辰齒
錄後序註

夫人辨絲桐於早歲借筆硯於諸昆賦

茗知才占鳳協吉鈿車乘月樵逕依風

璫年六歲

夜鼓琴絃斷琰曰第二絃鬯故斷一絃而問之琰曰

第四絃又鄭宏採薪白鶴山得遺箭項有人來覓宏

還之問所欲曰患若耶溪載薪其歸樸齋公也助檢

為難願朝南風暮北風後果然其歸樸齋公也助檢

遺經碧帶常披於砌草教寬侍史青衣免曳於池泥

至其饌善修麗早視北堂之膳法咸守郝羣推東海

之風實無間言羗云習禮帶草詳鄭譜序註曳泥當

夫樸齋公早傳世學康成固號經神雅尚門風漁仲

能蒐志畧庭雖聞於獨立石亦賴於他攻兩到成材

允稱負荷二程受學尤重師資遞請名儒宏開左塾

續陳頓折
表勢族潮

夫人則鄙豐上饋親臨刀匕之供柳督嚴更密與藥
丸之進是以香陳一辦筆掃千軍固已伯奮仲堪齊
稭才子季昂兄杲並擅英聲矣何休為學海采史鄭
樵字漁仲著通志畧西陽雜俎韋陟郇公尉禮記刀
刀是供左傳才子八人伯奮仲堪盧照鄰文子之兄
曰杲之季曰昂迨至徵士居家將授嗣君之政賢人
之餘俱別見
占夢旋羅在歲之嗟而宿席殷繁尤勞捫揣一鍾量
畝倍兼陸賈之田千指分僮健過刁閑之僕荆荻匪
路渭竹緣濱賦鶴塞之魚租訂龍洲之橘課劍外則
豪同卓郤關中則訾次如苴而滙川松崖是時經繹
王箱名高陸厓若使戎籌遽握何能遊綠竹之林約

麗相傾焉得蠟青雲之履乎後漢書康成與子令又明年歲在巳更記收可

詔一鍾醒賈傳買好時田產賈祖傳僅千指又築歸奴刁間愛使之又江陵千樹荻滑千畝竹與千戶侯

等陳子山鶴銘塞傳餘號註陶公在尋陽西一塞取魚自謂其池曰鶴門攝謀詳連壽序註又選王孫之

屬却公之倫証卓王孫田宅射獵之樂擬於人君揚雄賦漁弋却公之徒羅車千乘漢書營次如直爾史

王氏巾箱五經世說陸士衡兄弟居解東西又夫人王戎持籌祖約領身障簾阮孚蠟屐神氣閑暢

恐二君之廢學出獨力以待家遺業予肩夙日及寅賓之早成書爾託分陰幸子舍之餘是以所業益精

其聲愈起書陳光範韓昌黎居鄉貢之前交滿鴻都郭有道為諸生之冠唐書韓愈昌黎人舉進士投文

於公卿間上宰相書前鄉貢進士韓愈伏光範門後漢書靈帝光和元年始置鴻都門學生又郭泰以有

草堂集

國朝文獻

駱同祚姓
名清哲

道徵劉茂遂乃四藝齊契八顧聯懽許詢來叅會稽
才叙註之遊曹植均與南皮之會辨鋒送南解自熊丸談柄
驚羣墮茲檀蓋好辭唐勒博物張華各受長弟之盟
咸敦昆朋之好原註時許深稼曹練湖熊容山予與
家西溪唐籍山張晞郭及松崖共集
蜚聲社唐崔造傳謂之四夢後漢畫八顧言能以德
行引人莊子宜僚弄丸雨之之難解記事珠字交卓
方執崑崙玉蓋聽左丞檀超性情綿締詩酒追隨時
高談不覺墮地餘詳練湖註
登元伯之堂頻饗士行之饌賢聞湛母視猶羣從之
班友得周郎齊下太君之拜斯則芳徽懿行我輩得
之聽睹者最親宜乎景福崇祺人間比斯壽愷者亦
罕矣後漢書張卬字元伯與范氏爲友式訪劬升堂
拜母晉書陶侃字士行母湛氏范逵役侃宿侃

慈及縱開
新論上下
文氣開拓

室如懸磬。湛湛髮間。嘗遐摻彤管。博志清標。見夫巾
負數斛米。以供調。間嘗遐摻彤管。博志清標。見夫巾
幘才媛。裙釵淑婦。亦有假家之吉。豈無持戶之能。然
而德曜致勤。不聞通有無以調。因乏少君。操作未見
出委積以濟艱難。矧其阿堵自私。寧馨失教。兒少裁
福之。厖婢多擔糞之。苛而望其如孟母。賢明製生徒
之。廣暇巴清。饒給躋鄉里。於熙臺不亦難哉。德曜詳
註少君見王壽序。經通進阿堵猶之這個也。不可定
指為錢。顧禮之。正在阿堵中。張謂詩家無阿堵物。門
有寧馨兒。亦就事作語也。馬永卿。陳真子曰。阿堵猶
今云。元底也。寧馨猶今云。恁地也。裁福詳王壽序註
晉書。王衍妻貪鄙。令婢擔糞。吳志註。孟仁從南陽李
肅學。其母為作厚褥。大被。或問之母曰。小兒無德。致
客學。者多貧。故為廣被。庶得俱與氣類相接也。夫人
巴清詳連壽序註。老子。人熙熙如登春臺。

德篤慈仁。訓深推解。舉凡施茶炎暑。給絮隆冬。渡次
維舟。年終依廩。一切吉祥善事。不勝翫縷。詳言姑撮
其尤。乃量以概。禮給奪慈仁更解衣推食國策所謂
吉祥善事願力戈切一作羅宋哲賦
且縷而憶。夫歲當丙子。天起絜鉤。四野札瘥。難覓蘇
家之井。一丸解救。誰爲董奉之林。於是延致良醫。造
成上藥。千金破費。不辭叩戶之求。三竈傳奇。遂啟回
天之力。全活無算。遠邇咸周。山海經翠鉤見則其民
多疫神仙傳蘇耽辭母
去曰。明年天降疫疾。庭中井水簷邊樹。可以代養。至
時病者。食葉飲水而愈。甯康志杏林在城而董奉種
杏。成林。蘇文厭上藥。用下品。王彥伯醫。既著。列三竈
煮藥於庭。老幼塞門來請。彥伯指曰。熱者飲此。寒者
飲此。風者飲此。皆瘥。至若崇出支祈。毀先窀穸。人無安宅。鬼

哭荒原。白骨塵飛。並莫知其年代。黃昏日暮。亦誰悉其子孫。於是遠收孤竹之浮棺。廣瘞平涼之露骨。每逢寒食。獻孟弔無主之魂。周感窮泉。結草啣深仁之報。支析詳嚴贊府叙註。彙纂劉昌初城平涼當刳盟後。將士骸骨不藏。昌始命瘞之。夕夢若諸昌來謝者。昌具以聞。德宗下詔哀痛。出衣數百襲。歛以棺槨。昔者天官分職。萬物疾病。皆調月令。先春滿路。屍骸必掩。夫人早明經義。均惠鄉閭。率藪以富得之權。陳歌以度法之誨。此母此子。真增族黨之光。以德以年。宜著縹緗之美。周禮天官疾醫掌養民之疾病。月令掩骼埋胔。晉書陶侃所以香生蕙經傳。范逵嘆曰。非此母。不能有此子。慶衍芝帷。乃當八袂之辰。爰接三春之後。筵開天姥。

酒獻麻姑笑進霞盃。有袁家之二妹。歡承火寮。偕孟

氏之雙珠。諸孫頭角崢嶸。一門光輝赫奕。

世說袁孝

一適殷淵源一適謝仁祖語桓宣武云恨不更有
一人配卿囊簪孟和與弟覲時人謂為雙珠者某

等誼本均乎猶子。祝宜及於同人。而或以遠去栽花。

久阻板輿之奉。或以長征結綬。俄違萱席之親。或則

索米長安。羈綰公車門下。或則設紗南郡。棲遲經籍

齋頭。彼此藉覓使之通。殷遙馳雁行之敬。

栽花註見
朱明府啟

閑居賦太長

乘板輿東方朔僚府詔公車門日索

長安米荆川志馬融為郡守堂施絳帳授生徒從遊

者以千計慈顏有喜。仙飲重滋。北海鄭公名德。別稱於海內。西川陳母徽音共字為堂前。允湯盛世。

休戚正合當家故事。竚看琳宮壽媼四照開不老之
華。瑤笈真娥九光現長生之影矣。鄭公鄉詳鄭詩序
註陳堂前詳強壽
叙註。此同社稱祝之章也。同社者桐城許雨田多
亭懷寧曹鳳藻丹山潛山熊新陽容山宿松唐遇春
籍山望江檀萃豈田桐城張元泰駿生潛山鄭懋動
懷清七人聯蜚聲社後益以望江檀文瀾泗淮共人
人焉篇中次第點清同社之姓名入後則序同
人仕游分散俾使周通致祝之意以結明之